

大日本史記

列傳

廿參



門曾
775
23

大日本史卷一百六



可美真手命

高倉下

道臣命

推根津彦

笏猾

笏磯城

列傳第三十三

權中納言從三位源光圀
修男權中納言從三位綱條
校



彦國葺

野見宿禰

可美真手命舊事紀作宇摩志父曰天照國照彦天
 火明櫛玉鏡速日尊祖曰正哉吾勝勝速日天押穗
 耳尊押穗耳尊即天照大神子也鏡速日母曰栲幡
 千千姬高皇產靈女也以其天照大神孫稱天孫以
 高皇產靈外孫又曰皇孫高皇產靈授之以十種瑞
 寶曰瀛都鏡邊都鏡八握劍生玉死玉足玉道及玉
 蛇比禮蜂比禮品物比禮鏡速日矣命天神奉瑞寶
 乘天磐船翱翔空中降于河內河上哮峯遂至大倭

鳥見白庭山

日本紀參取舊事紀

娶其土豪長髓彦妹三炊屋

姬日本紀注一名長髓

媛又各鳥見屋媛

生可美真手因居于此長髓

彦以為神人奉之為君及神武帝東征長髓彦邀之
 孔舍衛坂帝引軍南行長髓彦遣使奏帝曰嘗有鏡
 速日命稱天神子來臨此土娶我妹而生一男因以
 君事之天神子豈有二種今更稱天神子吾未敢信
 帝曰神子非一汝所奉者實為神子必有所徵吾欲
 見之長髓彦乃取鏡速日天羽羽矢及步鞞為徵帝
 曰事不虛也帝亦徵以矢步鞞長髓彦視之敬畏然
 兵已構不可復止終無歸順之志鏡速日雅明天人

之際知長髓彦懷狼不可教遂殺之帥眾歸于帝帝
廣寵焉是為物部氏之遠祖不知其所終日本紀曰
先是鏡速日薨于大倭高皇產靈聞計哀泣遣使葬
天上又曰長髓彦奉宇摩志麻治為君宇摩志麻治
殺長髓彦帥眾歸順天孫詔宇摩志麻治曰長髓彦
為性狂逆兵眾猛銳勢不可與戰而汝不黨舅惡帥
軍歸順朕甚嘉焉特加褒寵授以神劍答其大勲可美真手以十種瑞寶獻
於帝帝大喜寵異有加既而可美真手率天物部討
賊有刃元年正月帝即位時可美真手先獻天瑞豎
神盾以齋又立五十櫛刺繞布都主劍奉大神於殿
內而藏十寶為帝鎮祭帝嘉之詔宿侍殿內因号足
尼足尼足之號自此而始帝既御殿可美真手率內

物部列樹牙盾增嚴儀衛是歲十一月為帝及皇后
奉天璽瑞寶行鎮魂祭詔為永式明年二月詔曰汝
勲功忠節大哉至矣是以嚮授神靈之劍以報不世
之績今處朕肱之職永傳不貳之美自今以後子子
孫孫八十聯綿必守此職永為龜鏡其見尊寵如此
二子味鏡田命彦湯支命姓氏錄味鏡田或作味鏡
彦湯支命亦名木閑綏靖時掌祭布都主劍事子孫
世序其職彦湯支三子大禰命出雲也命姓氏錄作
命出石心命出雲也命三子大木食命六見命三
見命大木食命三子鬱也雄命大綜麻杵命大峯命

女鬱色謎為孝元皇后鬱色雄命子曰武建命大綜
 麻杵命子曰伊杵色雄命紀曰事崇神帝七年將祭大
 物主大國魂二神卜使伊杵色雄命班神物吉因掌
 其事紀曰事伊杵色雄命又遷建布都大神社於大和
 石上邑以殿內所藏十寶共祀之号曰石上大神以
 鎮國家而為氏神子曰建ヤサキ瞻心命曰多辨命曰安毛
 建美命曰大新河命仁時為大孫紀曰賜物部大新河命
 為大神奉齊神宮大連之号始於此時而天皇紀曰
 崇神帝十六年武諸區命為大連此則不可謂大
 連之始為大連之始也梅公卿補任仲哀時大伴
 健持始為大連之号始於此曰健新川命曰
 不故今不取曰十千根命自有傳曰健新川命曰
 有故今不取

大咩布命曰印波吳曰氣津別命天孫紀曰伊杵色
 瞻心命至大咩布命而印波吳成務時為遠江女伊
 國造見國造紀氣津別命見姓氏錄今補湊女伊
 杵色譴為開化皇后紀曰事大新河命子曰武諸隅命
 一名大母隅崇神六十年使于出雲取神寶獻之曰
 紀曰大小市連曰大小木連天孫紀有大新河四子
 諸隅第今據日本紀不取梅國造而以大母隅為武
 子有須堅石命誤矣說見物部十千根傳武諸隅
 子曰多遲麻連公多遲麻連公子曰印葉連公伊曰
 與連公曰小神連公曰大別連公其餘子孫繁衍奕
 世顯仕紀曰事各因居地職掌別為百八十氏續曰本
 紀曰大彥湯支命綏靖時為足尼拜申食國政大夫
 政大彥湯支命綏靖時為足尼拜申食國政大夫

出雲色命懿德時為大臣其後出石心命當孝昭朝
 鬱色雄命當孝元朝大綜麻并命伊香色雄命當開
 化朝大新河命當垂仁朝皆為大臣蓋大臣并除不
 可不記者而日本紀所載不能無疑故不取其餘
 大禰命為侍臣大綜麻命六見命三見命大建心命
 矢口為宿禰大綜麻命小市連武建命建瞻心命
 為大禰多辨命為宿禰大連伊與連公小神連公大別
 印葉連公為國造為宿禰大連伊與連公小神連公大別
 連公為侍臣皆日本紀所不
 載補任亦無所見故不取
 高倉下亦名手栗彦命初名天香語山命饒速日尊
 子可美真手兄也母曰天道日女命紀曰事高倉下從
 父自天降居紀伊熊野邑神武帝帥軍至熊野誅丹
 敷戶畔時中妖神毒衆咸迷倒無能起者古事記有
 此所云高倉下夢天照大神古事記曰夢天照謂武
 妖神也

甕雷神曰葦原中國猶有紛擾之聲汝徃征之武甕
 雷曰降臣之平國劔古事記劔作則臣雖不親往國
 自平矣大神曰善武甕雷乃謂高倉下曰汝有劔名
 部靈當置之汝庫中汝取而獻之天皇高倉下唯唯
 既而驚悟明且入庫而視果有劔倒立即取之至軍
 而獻及其至帝忽然而醒曰汝何長眠如此乎眾亦
 尋起妖神悉伏紀曰本帝嘉之命為侍臣紀曰事部靈一
 名佐志布都神又曰甕布都神後藏之石上神宮古
 記高倉下娶異母妹穗屋姬命生天村雲命亦名天
 五多底天村雲命生天忍人命天忍男命忍日女命

角屋姬亦名葛木出石姬異母兄天忍人娶之生天
戶目命天忍男生二子曰瀨津世襲命亦名葛木彦
命曰健額赤命生健筒草命女曰世襲足姬命為孝
昭皇后天戶目生二子曰健斗米命曰妙斗米命健
斗米有六子曰健田背命紀曰車景行時賜田播穀終
夕之間園生其田因賜姓園田連作健田折背折國
近語相曰建宇那比命曰建多士利命曰健彌阿久良
命曰健麻利尼命垂仁時為日葉酸媛皇后作石棺
因賜姓石作連曰健手和邇命高倉下七世孫健諸
隅妹曰大海姬為崇神妃健諸隅生倭得玉彦命亦

名市大稻日命倭得玉彦生五子曰第彦命曰玉勝
山代根古命曰若都保命曰置部與曾命曰彦與曾
命第彦生淡夜別命子孫聯綿汎流甚多紀曰車
道臣命初名日臣命高皇產靈尊五世孫天押日命
之後也紀曰車初彦火瓊杵尊神駕之降天押日與
大來目部前驅降于日向高十穗岑然後以大來目
部為靱負部天靱負之号昉於此錄姓氏日臣命從神
武東征戊午歲帝至熊野進軍中州山路險絕無從
可行夜夢天照大神古事記為高木大神曰我遣頭八咫鳥為
鄉導及覺有頭八咫鳥至帝曰此實符夢祥懿哉我

皇祖天照大神正欲輔成基業乎於是日臣命帥大
來目部披榛踰山從鳥之所向遂達菟田下縣帝嘉
之曰汝忠且勇兼有啓行之功因賜名道臣帝召菟
田縣魁帥兄猾弟猾兄猾不來弟猾應命而至奏曰
臣兄兄猾素抱禍心欲襲王師而望風懼威不敢輒
發乃謀作新宮設機匿兵欲以獻食而作亂請早為
之所帝即使道臣察狀古事記曰使道臣命道臣審
得賊情大怒厲聲讓兄猾曰醜虜汝所作屋汝可自
居橫劍彎弓迫脅入屋兄猾不能逃蹈機而死即戮
其屍帝祭諸神於丹生川上始設嚴笮時命道臣曰

我將祭高皇產靈尊用汝為齋主授以嚴媛之弓帝
既討八十梟帥於國見丘斬之是役也帝志期必克
乃作歌曰伽牟伽筮能伊齊能于彌能於費異之珥
夜異波臂茂等倍屢之多儂彌能之多儂彌能阿誤
豫之多太彌能異波比茂等倍離于智氏之夜恭務
今何誤豫于智氏之夜恭務其意以大石比國見兵也而餘黨
未平密命道臣帥大來目擊之授以方畧又作歌詞
殺之道臣穿窟室於忍坂誘虜設宴選勁卒與虜雜
坐警之曰酒酣則我起歌汝等聞我歌聲即發焉既
而群虜沈醉道臣起而歌曰於佐箇廼於朋務露夜

珥比百瑳破而異離烏利古毛比百瑳破而积伊離
烏利古毛彌都彌都志俱梅能固邏餓勾鶩都都伊
異志都都伊毛智于智氏之夜莽務勁卒應聲拔頭
推劍一時掩殺無彼噍類舉軍大喜仰天而笑歌曰
伊莽波豫伊莽波豫阿阿時夜塢伊莽儻而毛阿誤
豫伊莽儻而毛阿誤豫後世來目部歌闕大笑者由
之也又歌曰愛彌詩烏毗儻利毛毛那比百比百破
易陪迥毛多年伽毗毛勢儒到忍坂大室時生尾土
雲八十健不從帝故設八十饌饗八十健因令膳夫
等悉佩刀且諭曰聞歌則斬之既而歌曰意佐加能
刀云於其歌詞與此同及帝即位於檀原宮道臣

率來目部護衛宮門紀曰事明年帝論功賜宅地於築
坂邑以寵異焉使大來目部居于畝傍山西号來目
邑紀曰本詔曰汝忠且勇前導王師故先改之名咨爾
常帥大來目督將元戎奉策密策能以諷歌倒語掃
蕩妖氛功勳如此宜為軍將流傳後裔紀曰事初道臣
屢用諷歌倒語得濟其功倒語之用始起于此紀曰本
推根津彦古事記一名神知津彦姓氏錄初名珍彦神
武東征至速吸之門有一漁人乘艇而至日本紀曰
稿根津彦乘龜為釣聲帝召之問曰汝為誰對曰臣
羽而來過于速吸門乃國神名珍彦常釣曲浦聞天神之子至故來奉迎

帝又問曰汝能為吾鄉導乎對曰能之帝即執擢授
之其未引入御船賜名推根津彥戊午歲帝進軍至
免田賊據要害時帝有夢因欲取天香山土作天平
瓮嚴瓮以祭神祇時虜眾克塞道路艱辛乃命推根
津彥敝衣簑笠第猾被箕為老翁媪狀戒之曰唯汝
二人潛往天香山取其土來大業成否卜以此事推
根津彥誓曰我皇能定宇內者行路自通如其不能
為賊拒絕言訖徑往虜眾見之笑曰醜矣哉老翁老
媪乃相與避道二人遂至山得土而歸帝大悅作平
瓮嚴瓮祭神大舉討兄磯城時虜作男女二軍而絕

二道亦以熾炭塞一道推根津彥陳策曰我亦作女
軍出自忍坂道則虜必盡銳而趣時選勁卒直指炭
坂用免田川水灌滅熾炭而掩其不意破之必矣帝
喜而從之遂斬賊首兄磯城及帝踐祚論功為倭國
造日本紀日本詔曰汝首迎皇師又能表績香山特授以倭
國造置國造始于此日本紀日本事
第猾倭免田縣人也與兄猾共為縣之魁帥戊午
歲神武至免田下縣遣使召之而兄猾素蓄逆謀拒
違王命日本紀日本曰今天神子行幸此地汝等能仕否兄猾以
射鎗之第猾即至具奏其狀帝使道臣誅之第猾獻牛

酒犒王師帝喜之爲作來目歌時群虜未平據有要害道路不通帝患之因自祈而寢是夜夢天神告曰取天香山土以造天平瓮八十枚及嚴瓮敬祭天神地祇亦爲嚴咒詛如此則虜自平矣帝異之將從夢兆會第猾奏曰磯城邑磯城八十梟帥高尾張邑赤銅八十梟帥作曰辨紀擁兵禦命臣竊憂之今當取天香山埴造天平瓮用祭天社國社而後肅行顯誅則賊自破矣帝甚喜乃使第猾與椎根津彥往天香山土賊兵填路第猾等變服潛行遂得土而還帝即位以切封猛田邑爲猛田縣主日本紀

第磯城名黑速倭磯城邑人故稱焉兄曰兄磯城戊午歲兄磯城舉兵於磐余邑將拒王師神武率軍攻磯城遣使先召兄磯城兄磯城拒命更使頭八咫鳥召之八咫鳥至營呼曰天神之子召汝怡イハレ辨ワカ過ワカ怡イハレ辨ワカ過ワカ而又不從怒詈彎弓射頭八咫鳥避之得脫焉又往至第磯城家呼曰天神之子召汝怡イハレ辨ワカ過ワカ怡イハレ辨ワカ過ワカ第磯城瞿然改容曰吾聞天神至且夕悚然善哉子之來也作葉盤八枚盛食饗焉與俱至白帝曰臣兄兄磯城聞天神子至聚八十梟帥將與決戰請早圖之帝會諸將問曰兄磯城不從命爲之如何僉曰彼

黠賊也宜先使第磯城曉諭若不歸順以兵臨之未
晚也帝乃命第磯城開示利害兄磯城不肯遂用推
根津彦計襲破兄磯城斬之帝即位錄第磯城功為
磯城縣主日本紀

彦國葺天足彦國押人三世孫姓氏錄崇神十年武埴
安彦與妻吾田媛謀反埴安彦從山背吾田媛從大
坂分道入襲京師帝命彦國葺及大彦命討埴安彦
國葺與埴安彦隔輪韓河而軍埴安彦臨河遙謂彦
國葺曰汝何故率軍而來曰汝逆天無道欲傾王室
故奉皇命來討埴安彦彎弓射之不中彦國葺射中

埴安彦胸斃之其衆大潰斬獲過半聖仁帝朝為大
夫日本紀子曰大口納命大口納子曰難波宿禰難波
宿禰子曰大矢田宿禰從神功皇后征新羅凱旋之
日留為鎮守將軍娶國王女生二女姓氏錄彦國葺有
三孫曰史失父名曰大直日本紀命成務朝為額田國
造曰八十足尼景行朝為吉備元國造日本紀曰鹽乘
津彦勇敢多力頭上有贅三岐長五寸為松樹狀人
呼曰松樹君崇神帝時任那國奏曰臣國東北有三
已汶地上已汶中已汶下已汶地方三百里民庶富
饒新羅欲得之兵戈相尋民不聊生請遣一將軍以

取此地帝大悅敕群卿選將帥群議推鹽乘津彦帝
即令往鎮守之其俗言宰為吉故苗裔以吉為氏錄
錄

野見宿禰出雲人天穗日命十四世孫也續日本紀
姓氏錄

以勇力聞垂仁朝當麻邑有當麻蹶速生而勇悍力
能毀角甲鉤恒大言曰方今之世有能與我抗力者
乎安得遇其人一決雄雌帝聞之問群臣曰當麻蹶
速天下力士也當世有能敵之者乎或薦野見宿禰
帝即日遣使召之野見至乃命角力野見足蹋蹶速
脇膊骨折而斃矣乃以蹶速之地悉賜野見由是邑

疑上表

有腰折田野見留任朝廷三十二年皇后日葉酢姬
崩葬有日矣先是帝禁殉死至此使群臣議皇后葬
儀野見進曰夫山陵瘞埋生人誠不仁也非所以示
後世臣願以便宜喪喪事乃召出雲土部百人自督
之以埴作人馬及諸物象獻于朝曰自今以後用此
易生人以為後世之法帝喜之以其土物埋于皇后
陵因土物為埴輪又名立物下詔以為定制厚賞野
見賜陶地任土部職改姓土部臣自是土部連世世
相兼司大喪日本紀

大日本史卷一百六終

天保十三壬寅年正月二十七日謹書寫之

中村萬喜直衛

大日本史卷之一百七

列傳第三十四

權中納言從三位源光圀修
男權中納言從三位綱條校

大田田根子

天日槍曾孫田道間守

物部十根大連

阿知使主

酒君

秦酒公

大田田根子不知何許人崇神七年災害荐興疾疫
流行帝幸神淺茅原卜問神祇神憑倭迹迹日百襲
姬曰若能祭我必致昇平帝問曰神誰也答曰我是
居大倭名曰大物主神於是致祭而無應帝曰朕禮
神未盡乎乃復齋戒沐浴潔淨殿內禱之此夜夢一
貴人當殿門立自稱大物主曰天皇何憂國之不治
是我意耳今能使我兒大田田根子祭我邦內寧謐
海外歸化倭迹速神淺茅原目妙姬大水口宿禰伊
勢麻績君三人同夢明且奏言有貴人告曰以大田
田根子為祭主奉祀大物主神又以市磯長尾市祭

倭大國魂神則天下太平矣帝大喜布告天下訪求
大田根子者於是得之茅渟縣陶邑古事記作河帝
因幸神淺茅原會王卿及八十諸部問大田田根子
曰汝父母為誰對曰父曰大物主大神母曰活玉依
媛陶津耳之女也本書有亦云奇日方天日方武弟
有二疑是後人附一說於下而誤為本文也古事記
曰大物主娶活玉依媛生子名櫛御方命之子飯
築以命之子建齋槌命之子大田田根子又姓氏錄
蓋以命之子建齋槌命之子大田田根子又姓氏錄
大田田根子為祭主神五世孫今不取帝益喜遂以大田田根子為祭
主致祭大物主神其祭器則物部八十手所作也自
是疫息災消五穀豐稔百姓富饒日本紀

天日槍新羅王子也聖仁三年抵播磨完粟邑帝聞
之遣大友主長尾市檢問之天日槍曰身是新羅國
王子也聞日本有聖皇故以國讓弟知古而歸化乃
出羽太玉本書注一足高玉鵜鹿赤石玉出石小
刀出石鉾日鏡熊神籬獻焉本書注一記載狹淺
玉津寶珠二貫振浪比禮切浪比禮振八前大神大友
澳津鏡邊津鏡八種也此為伊豆志八前大神大友
主等歸奏乃詔天日槍曰播磨國出淺淡路島完粟
仇此二邑一聽汝所欲居焉天日槍奏請願偏歷諸
國以察風土親擇其地聽之於是自菟道川北抵近
江吾名邑既而歷若狹西至但馬遂居焉取出島人

大耳女麻多鳥津本書大耳或作前津耳又作前生但
馬諸助諸助生但馬日猶杵日猶杵生清彦古事記
國有一沼名阿具奴摩有婦人晝寢沼上日光如虹
直射其陰傍有農夫見而異之既而婦人有一妊產赤
王農夫乞得之常帶腰間于山山谷之間一日以牛
餉耕者天日槍遇於路以爲入山屠牛將罪之農夫
獻玉贖罪天日槍置玉床側玉化爲美女天日槍悅
而爲妻久之狎侮罵妻怒曰吾素非可爲汝匹者
今將歸于父母之國乃乘小舟至難波比羅波
賣其曾社阿加流比賣神也天日槍追尋亦難波
有神塞路而不馬能進退留但馬娶諸助生但馬
斐泥斐泥生但馬比那良岐生三子但馬
毛理及但馬比那良岐生三子但馬
度美生萬城高額媛高日息長宿祢玉妃生神
后皇清彦世家但馬先是天日槍所獻寶物藏于但
馬八十八年詔曰新羅王子天日槍所齎寶物嘗藏

但馬土人神之朕欲彼觀之乃遣使詔清彦獻之清
彦自奉寶而至心甚愛出石小刀密匿諸袍中帝弗
之知欲加榮寵乃召清彦賜酒御坐會小刀出袍而
見帝視之怪問曰汝袍中之刀為何物耶清彦知不
可匿以實對帝曰神寶豈可使離類乎命皆藏於神
府及後開府不見小刀因使問清彦曰小刀忽失豈
往汝所乎清彦對曰昨夜刀子自然至臣家且而又
失之帝益神之無復尋覓後見小刀於淡路島島人
為神為立祠清彦子田道間守日本紀○古事記曰
清彦娶當摩咩生
子辭鹿諸男及女管龜由良度美田道間守釋曰本紀引天書作但
馬物果果疑裏字記蓋

丹馬物東田道 間守國語相通 聖仁帝九十年命遣常世國求非時
香菓今所謂橘也田道間守泛海度險遂至常世國
得非時香菓八竿而歸日本紀○古事記曰實景行
以八矛纏懸香菓
元年三月也天書為時聖仁崩既一年矣田道間守
奠香菓于先帝陵奠香菓參取天書○古事記曰香
菓四竿獻之大后四竿獻先帝陵
而此時無皇太后此時無皇太 曰臣受命天朝遠往絕域萬里蹈浪
遙度弱水夫常世國神仙區宅非常人之所能到也
是以往來之間淹歷十年豈期能凌波瀾更還本土
幸賴威靈僅得還來而宮車晏駕不得彼命臣生何
益乃拜山陵号慟而絕聞者莫不隕涕日本紀 帝哀其

忠誠葬之伏見陵側釋日本紀

物部十千根大連可美真子命六世孫伊香色雄子

也書曰事紀物部系圖二壘仁時為大夫與武濟川別

彦國葺中臣大鹿島大伴武日同列齊名先是帝屢

遣使檢校出雲神寶而無得其實者至是又命十千

根檢察之十千根至出雲廉得其實還奏稱旨廼命

十千根掌之日本紀八十一年賜姓物部連公日本紀

之掌石上神寶自是物部氏累世掌之十千根五子

曰膽咋仲哀時為大夫日本紀五子據曰事紀曰

奉皇后命與中臣烏賊津等領百僚守官日本紀曰止

志奈曰片堅石曰仰岐美天孫紀曰片堅石駿河國

子有須堅石命成務朝為駿河國造蓋須堅石片堅

石似非別人且天孫紀有五大新河四子文而下歷舉

其名若加須堅石命則為五子然別為十根子者

為得今從天孫紀又國造紀印岐美為伊香色雄子

孰是曰金弓膽咋四子曰五十琴曰竺志曰竹古曰

掠垣曰事紀本書曰五十琴仲哀五十琴子伊莒弗

履中時時執國政日本紀伊莒弗三子曰真掠曰目曰

鍛冶師真掠仕雄畧朝帝不豫召筑豐二國女巫命

真掠掌之賜姓巫部連錄姓氏目自有傳

為宿祢奉齊神宮宿祢之官始于從帝西征及帝崩

此然日本紀所不載故附于此

紀二十六六年檢出雲神寶持既八十七年大中姬舉

書姓物部蓋追書之乎未詳

阿知使主漢靈帝之曾孫也姓氏錄阿知使主或作阿知王本書曰靈帝子

延王是阿知使主之祖也及漢禪魏因神牛教出往帝方得寶帶

瑞其象類宮城乃建國邑保共民庶後告父兄曰久

居于此則恐取覆滅聞東國有聖主欲往歸之乃率

子都加使主女弟迁興德及七姓十七縣歸化實應

神二十年也日本紀續日本紀延曆四年詔賜高市郡檜前村而

居焉奏曰帶方男女皆有才藝近者寓百濟高麗之

間心懷猶豫未知去就請垂天恩遣使召之帝敕使

八腹氏召之以為公民諸國漢氏其後也續日本紀室龜三年

延曆三十七年奉詔與都加往兵求縫工先至高麗

請鄉導高麗王使久禮波久禮志二人導之抵吳得

兄媛弟媛吳織穴織四女工四十一年歸到筑紫胸

形大神欲得之阿知留兄媛而去到攝津武庫會帝

崩因獻三女於仁德屨中之為皇太子也住吉仲皇

子及阿知與平郡木兔告變扶皇太子上馬而走日本

紀皇太子即位舉為藏職而賜食邑古事記按日本紀屨中六年始

置藏職因定藏部益在此時也酒君百濟王孫也本書不載仁德朝紀角使於百濟

經理國郡疆場酒君倨傲失禮角怒讓百濟王王懼

以鐵鎖縛酒君附萬城襲津彥獻之酒君既至逃匿

于石川錦織許呂斯家乃給言天皇既赦我願寄汝
焉久之帝方赦其罪時依綱也倉阿弭古獲鷹衆莫
能識阿弭古獻于朝曰臣雅喜羅鳥多識名狀若此
鳥者所未嘗見也帝召酒君問之對曰百濟多此鳥
善驚聲可以馴擾俗呼曰俱知因命酒君調之未幾
得馴酒君著條繫鈴臂之以獻帝獵百古鳥野試之
多獲雉置鷹耳部名養鷹之地曰鷹耳邑日本紀
奈酒公秦始皇帝後普洞王子也曾祖曰切滿王仲
哀八年來歸祖弓月君日本紀姓氏錄○姓氏錄奈
融君或作王應神十四年自百濟來奏曰臣以百二十

縣人口歸化姓氏錄作百為新羅所梗塞留加羅國
帝命葛城襲津彦往召之三年不還再遣平群木兒
等召之與俱至弓月君獻金銀玉帛諸珍寶帝喜之
日本紀賜大倭朝津間掖上之地以居焉弓月有四子
曰真德王曰普洞王一作浦東君曰雲師王曰武良王仁
德帝時以諸奈氏分處諸郡使養蠶織絹以貢尋詔
曰奈氏所獻絲絹綿朕服用之柔軟温煖甚愜體焉
因賜普洞王姓波陀姓氏錄酒公事雄略帝帝嘗敕木
工鬪雞御田始造樓閣於宮中御田登樓疾走如飛
有伊勢米女偶仰視而驚什覆所捧御饌帝疑御田

有姦付夫將刑之酒公侍坐欲以琴悟帝彈而歌曰
珂武柯啞能伊制能伊制能奴能逆柯曳鳴伊哀甫
流柯枳底志戎都矩屢麻泥爾飲哀枳彌爾柯抱俱
都柯陪麻都羅武騰倭戎伊能致謀那戎俱母鶯騰
伊比志抱俱彌幡夜阿抱羅陀俱彌幡夜帝感悟赦
之先是頒賜秦氏於臣連各自驅使無屬秦造酒公
時寵於帝帝為下詔聚其部屬一百八十種以使統
領焉姓氏錄曰時秦氏流彼見在者中不存一酒公
人等請遣救使檢祐帝遣小子部雷率大隅阿多集
部一萬八千六百七十人酒公乃率之蠶桑而進庸
調絹縑充積殿前因賜姓曰禹豆麻佐日本紀本書注一作禹豆

母利取盈積有利之義又救使諸秦氏造大藏於宮
側納其貢物是時始置大藏官負以酒公為長官氏姓
錄

天保十三壬寅年二月朔日謹書寫之

中村萬喜直衛

大日本史卷一百八

列傳第三十五

權中納言從三位源光圀修

男權中納言從三位綱條校

武内宿禰子平群木兜宿禰

葛城長江襲津彦 紀角宿禰

千熊長彦

荒田別命子田道

紀小弓子大磐

難波根子武振熊

的戶田

縣守

小子部雷

日羅

紀男麻呂

武內宿禰孝元曾孫父屋主忍男武雄心命景行三年奉命祀紀伊國群神至阿備栢原居之九年娶菟道彥女影媛生武內古事記女作妹二十五年武內奉命巡察北陸東國形勢民風二十七年歸奏東夷有日高見國是曰蝦夷男女文身椎結稟性勇悍土地沃壤曠衍可擊而取焉五十一年正月朔且帝賜宴群臣

數日唯稚足彥皇子及武內不赴宴會嚴衛門庭以備非常帝嘉之是歲八月遂立皇子為皇太子成務帝是也其日以武內為棟梁臣初武內與成務同日而生按成務帝以景行二十三年生武內以二十五年當巡察北陸時僅三歲恐無此理曰事紀景行紀云與天皇同日而生因寵異之至此為棟梁臣然既曰景行帝三年武雄心命往紀伊娶影媛生武內則又無與景行帝同日而生之理如本書所云蓋異年而同日甚相歡洽及帝即位拜大臣以寵異之大臣始于此矣及仲哀征熊襲而崩于筑紫武內與皇后謀秘不發喪后潛以梓官附武內至穴門時軍國多務而不得葬殯于豐浦宮而歸后親征三韓還至筑紫

生應神辛巳歲二月奉帝還京時會麇坂忍熊二皇子舉兵徼於播磨后聞之帥舟師赴難波使武內奉帝出南海武內至紀伊水門與后会日高三月后命武內及武振熊古事記討忍熊事全為武振熊切不載武內今從本書擊忍熊武內率精兵出山背至菟道也河北與忍熊相持謀令三軍推結藏弦于髻匿其佩刀別佩木刀稱太后制陽降曰我無貪天下懷幼兒從君王耳今當斷弦捨兵相共講和而後君王兼纘大業高枕安席專制萬機不亦哥哉乃令軍士斷弦解兵悉投之河忍熊信之亦斷弦解兵武內急下令出所藏刀弦渡河掩

擊忍熊敗走武內累破之逢坂狹狹浪粟林斬獲甚眾忍熊窮蹙赴水而死癸巳歲武內奉太后詔奉帝詣角鹿筭飯大神及歸皇后作歌壽帝武內亦為帝答歌應神七年武內督韓人池韓人池是謂韓人公九年奉敕監察筑紫其第耳美內宿禰譜於帝曰武內據筑紫招三韓以圖不軌帝信之遣使殺武內時有真根子者代武內而死武內竊逃筑紫出南海詣闕自明帝鞠訊武內及耳美內使二人探湯於磯城川濱質真偽於神祇耳美內服罪武內執佩刀毆耳美內踏焉隨欲殺之帝時詔釋之賜紀伊直等之祖以為祭武內秉政如

故仁德五十年河内茨田堤有鴈產雞帝作歌問之

武内亦作歌答之日本紀五十五年薨帝王編年記為

從水鏡公武内歷仕景行成務仲哀應神仁德五朝

在官二百四十四年不詳其年壽補任水鏡○補仕

又曰不詳淡年水鏡曰二百八十歲石清水仕司系

譜曰三百六十或二百五十五其餘衆說紛紜五雜

武内薨年謝肇湖所見或別是一書也然日本紀實不書

立祠因幡祀之宇陪宮是也高良山緣起今從諸神記

說見神及建應神廟以武内配食八幡起七子羽田矢

祇志本書羽田矢或作許勢小柄宿禰本書柄或

代宿禰波多八國語相同許勢小柄宿禰作柄或

實錄為蘇我石川宿禰平群木鬼宿禰三代實錄木

第五子角宿禰葛城長江襲津彦君子宿禰古事記許勢小柄

宿禰有三子曰星川建日子應神朝代皇太子大鷦

鷯尊繫木綿襪掌監御膳因賜姓大雀臣曰伊刀宿

禰曰乎利宿禰姓氏錄續蘇我石川宿禰仕應神朝

古事記子滿智宿禰屢中二年與平群木鬼等同執

國政滿智子曰韓子雄畧時與紀小弓等奉命征新

羅在軍為紀大磐被殺日本紀語在小弓傳

平群木鬼宿禰與仁德帝同日而生有鷦鷯入其室

木鬼入帝產室應神帝以為祥兆命武内相易為名

因曰木鬼應神十六年與的戶田帥兵討新羅先是

帝遣葛城長江襲津彦于加羅召弓月人口三年不
還於是詔木兒等發兵問新羅罪木兒等進兵壓境
新羅驚服謝罪遂將襲津彦及弓月人口而歸住吉
仲皇子謀反木兒等扶廢中帝而逃從反正帝至難
波誘刺領中殺仲皇子木兒謂反正帝曰刺領中有
功於我而躬行弑逆不可為訓宜正天誅以懲將來
帝從之誅刺領中廢中二年與蕪賀滿智吻部伊呂
佛葛城圓俱東國政紀日本薨年百二十八歲紀氏子
真鳥自有傳

紀角宿禰應神三年與羽田矢代蘇我石川平群木

兒往責百濟辰斯王無禮立阿花為王而歸仁德四

十二年奉敕再往百濟始疆理國郡審錄物產紀日本

子男島仁德朝為都怒國造紀日本

葛城長江襲津彦應神帝乙酉歲新羅遣汗禮斯伐

毛麻利叱智富羅母智貢調於是新羅質波珍干岐

微叱計智釋日本紀曰波珍構偽請還國敕許之命

襲津彦護送往宿對馬鉏海水門毛麻利叱智等相

謀使微叱許智先逃于新羅縛蒙為人置微叱許智

之床給襲津彦曰微叱許智病亟今將死矣襲津彦

遣人視病而知所欺大怒囚杖毛麻利叱智等三人

囚于檻中焚殺之直抵新羅次陷輔津攻拔革羅城
虜其民而歸壬午歲新羅不貢龔津彥帥師討之十
四年使于新羅召弓月人口三年而還本書神功紀
曰壬午年新羅不貢天皇遣沙至比脫納之討之新羅加
盛飾二美女迎之津口沙至比脫納之討之新羅加
羅王悉率宗族人民奔于百濟百濟王厚遇之加羅
王妹來朝言曰天皇遣沙至比脫納之討之新羅加
美女舍而大怒即反滅我骨肉分折人羅流離故來
告天不肯還其妹在後宮沙至比脫納密使探天意
恐不報曰昨夜夢見沙至比脫納天怒曰比脫納何敢
妹佯報其旨沙至比脫納乃知不免入石窟而死蓋沙
來比脫納即龔津彥也而仁德紀四十一石窟而死蓋沙
至比脫納即龔津彥也而仁德紀四十一石窟而死蓋沙
王附龔津彥而欲往百濟也顛末粗語無所考正然子
未知以何年而往百濟也顛末粗語無所考正然子
葦田宿禰紀日本腰裾宿禰古事記熊道足禰續日本

紀但本書以熊道為龔津彥第六子據女磐之媛為
之則龔津彥之子不止於此今無所考
仁德皇后葦田孫女美媛嫁市邊押磐皇子生顯宗
仁賢二帝葦田以下本龔津彥孫曰玉田宿禰本書
又允恭五年掌反正殞宮事時會地震救遣尾張連
吾龔察殞宮動靜眾庶悉來赴惟玉田不在焉吾龔
奏其狀帝使吾龔往葛城察之玉田方集男女置酒
高會吾龔諭帝旨玉田懼以馬一匹賂於吾龔而密
微於路殺之因匿武內播間帝召之玉田東甲而來
甲從衣間見帝欲知其實使小磐田米女賜酒米女
具白其狀帝怒將殺之玉田逃匿于家詔發兵圍之

捕而誅之日本紀○本書雄略紀注曰田狹臣婦名毛媛昔城曩津彦子玉田宿祢之女也據之則玉田曩津彦之子也未知何是然毛媛為田狹妻與雄略紀本文不合故今不取詳注于雄略后妃傳子圓自有傳

千熊長彦不知何許人或曰武藏人本書注引百濟記有職麻那那加比此說者應神帝丁卯歲百濟新羅朝貢新羅所貢多珍異而百濟菲薄命問其故百濟使久氏奏曰臣等失道出沙比新羅新羅捕臣等繫千圖圍三月將殺臣等仰天咒詛彼畏而不敢殺奪吾貢物以其國賤物相易而獻且曰汝莫發此事如不從我言則比還必殺汝故不敢言於是敕讓責新羅使者又欲遣人

問百濟事情新羅罪狀祈可為使者於天神神教從武內議武內舉長彦至新羅責之明年遣荒田別鹿我別將兵擊新羅破之諸軍皆歸獨長彦至百濟與其王肖古盟于辟支山又登古沙山共坐磐石上肖古誓曰若藉草為坐恐為火燒以木為坐恐為水流故坐磐石而盟所以示長遠不朽也自今以後永稱西蕃春秋朝貢乃與長彦歸其國都禮待加厚遣其臣久氏護送歸朝辛未歲久氏使竣而歸又命長彦共至百濟布宣詔命明年長彦還百濟王復使久氏朝貢自是歲貢不絕長彦有力焉日本紀

荒田別命豐城入彦命四世孫也錄姓氏應神帝已巳
歲與鹿我別共為將軍擊新羅乃與百濟久仁等勒
兵至阜淳國將襲新羅或曰兵寡不可攻即遣沙白
蓋盧于百濟請益軍士於是百濟將木羅斤資沙沙
奴耽多率精兵來會合擊新羅破之遂定比自レ煉南
加羅味安羅多羅阜淳加羅七國引兵西至古奚津
屠南蠻忱彌多禮以其地隸百濟百濟王肖古與其
子貴須率軍而來比利辟中布彌支半古四邑望風
而降荒田別等會肖古于意流村肖古大喜厚禮送
還之明年二月歸京師帝十五年使于百濟求博識

者得王仁辰孫王而還

日本紀辰孫王據續日本紀說詳船辰爾傳

子竹

葉瀨田道

日本紀

竹葉瀨三世孫久比崇峻時使兵國

還獻雜貨中有秤帝問之久比奏曰其國用定物輕
重以為交易名曰波加理久比子宗磨呂舒明時賜
商長首姓氏錄

田道仁德五十三年新羅闕貢遣兄竹葉瀨往責之
路獲白鹿而還獻之改日而行倣命田道率精兵擊
之詔曰新羅若阻命宜急擊之新羅果拒之數來挑
戰田道固壘不出獲新羅平問軍虛實對曰有百衝
者驍勇絕倫每為右軍先鋒若擊其左破之必矣田

道乃選精騎擊其左軍新羅大潰衆勝縱擊殺傷數
百虜四邑人民而歸五十五年蝦夷叛命田道討之
伊寺水門兵敗死之是後蝦夷屢侵掠遂發田道塚
有大蛇自塚中出瞑目噬衆悉被其毒多死亡者時
人曰田道雖凶能報讎孰謂死者無知邪日本紀初田
道使于百濟娶止美邑吳女生持君持君留居百濟
其三世孫曰熊次曰新羅欽明時至自百濟新羅子
吉雄賜姓止美連姓氏錄
紀小弓宿禰雄畧九年奉詔與蕪我韓子大伴談小
鹿火帥師討新羅小弓臨發請大伴室屋曰王師桓

桓孰能抗之僕雖怯弱敢不竭力但新喪伉儷扶養
無人冀得蒙恩以 妄自隨帝聞而憐之賜以采女
吉備上道大海

聞鼓聲而驚僅與數百騎逃其下亂走小弓
追北斬其將喙地悉定餘衆未降小弓復與談等擊
之是夕談及紀固前來目皆力戰死少間歆退小弓
等還入營俄病卒于軍日本紀子大磐

大磐本書大或作生為人驍勇豪放父計至直赴新羅奪小
鹿火所掌兵馬船官及諸小官自專軍政小鹿火深
街之乃問於韓子曰大磐謂我曰我必又奪韓子所

掌官卿早爲之所由是亦有郤百濟王聞諸將之不
相善欲講解之而託以使觀其封疆而召之諸將皆
往比渡河大磐前飲其馬韓子射之中鞍大磐愕然
顧視射中韓子韓子墮中流而死諸將自半途還既
而大磐勢倍强大據仕那通高麗志欲并吞三韓乃
開府自稱神聖又用仕那人左魯那奇他甲背策殺
百濟人適莫爾解於爾林築帶山城扼東道斷百濟
糧道百濟王怒遣領軍古爾解內頭莫古解等攻帶
山城大磐出城逆擊膽氣雄壯一以當百所向披靡
既而兵竭力屈大磐知事不濟走歸本邦百濟救佐

魯那等及其黨與時顯宗三年也先是大海叔小弓
之喪而還憑大伴室屋奏請冢塋地詔曰大將軍紀
小弓宿禰龍驤虎視旁眺八維奄伐攜貳折衝四海
爾乃身勞萬里命墜三韓卿與將軍同國比鄰宜致
哀矜監護喪事因賜地於田身輪邑室屋兼旨令土
師小鳥監其事大海感喜遺室屋以韓奴六口吉備
上道蚊島田邑家人部是也此時小鹿火從至而留
角國使倭子連納八咫鏡於室屋以請曰僕不忍與
大磐比肩事朝請永處斯地室屋爲奏許之因以角

臣爲姓

日本
紀

難波根子武振熊應神帝辛巳年薨坂忍熊二皇子
舉兵武振熊與武內率兵擊殲之仁德六十五年飛
驪有宿讎者向背二面四手四足無膺踵强健絕人
左右佩劍四手執弓持力拒命鹵畧人民武振熊奉
教誅之邦内賴寧日本紀按本書神功紀擊忍熊王
難波根子武振熊其間相距一百七十年似非一人
然古事記擊忍熊王時亦書難波根子武振熊實一
人也

的户田宿禰初名盾人宿禰按本書盾人宿禰賜姓
的户田見仁德紀而
應神紀稱的户田
宿禰者追禰之也應神十六年從平群木兎帥兵討
新羅仁德十二年高麗貢鐵盾的帝饗高麗人於朝

大會群臣令射盾的衆莫能穿惟户田射鐵的而洞
之高麗人大驚起而羅拜帝嘉其善射改賜今姓名
十七年與賢遺臣使于新羅責其闕貢新羅恐懼奉
命賢遺臣初名宿禰臣與户田同日賜今名日本
紀

縣守日本紀本書曰笠臣祖縣守古事記以推武彥
皇子爲笠臣始祖據之縣守蓋推武彥皇子之
後勇悍強捷膂力過人仁德時吉備中國川島河中
有巨蚪行旅被毒死者突道縣守臨河取三瓠拔水
大呼曰汝肆妖毒常害行客我將殺汝然汝能沈之
則生不能則殺之蚪化鹿欲引瓠入瓠不沈縣守攘
臂入水拔劍斬蚪悉斷其種類河水爲之赤時人服

其勇因號其淵曰縣守淵

小子部雷初名螺羸日本紀神八井耳命之後也錄姓氏

雄略六年三月帝令后妃躬桑以勸蠶事命螺羸聚

國內蠶螺羸誤以為食兒乃聚嬰兒獻之養兒與蠶國語同

帝大笑悉以賜螺羸曰汝宜自養螺羸養之宮墻傍

因賜姓小子部連明年帝命螺羸曰朕欲見三諸岳

神本書注山神乃大物代主汝臂力過人試往將來

螺羸即登三諸岳捉大蛇奉之帝不齊戒而觀其雷

虺虺雷與神同目光赫赫帝怖畏不能視以手蔽目而

入內命放還之岳因改螺羸名雷日本紀

日羅火阿利斯登仕宣化朝補火葦北國造刑部

部時有事于外國帝遣大伴狹手彥救任那阿利斯

登從之日羅初居百濟官為達率敏達十二年下詔

曰當拔先皇之世新羅滅任那先皇謀復之不果而

崩朕謹兼遺詔寤寐無安當奉遵徽猷與建任那火

葦北國造阿利斯登子達率日羅今在百濟賢而有

勇朕欲得斯人相共圖之遂遣紀國造押勝吉備海

部羽島召日羅參謀軍議百濟愛其材而不肯還使

遣羽島責之羽島既至欲先見日羅潛抵其舍有韓

婦出而韓語曰以汝之根內我根中羽島解其意隨

後而入日羅迎而執手延之坐私語曰吾竊聞百濟
恐臣至天朝留而不返是以不肯奉詔君若宣敕特
示威容急責趣之則彼將畏怖不敢違敕羽島從其
計百濟不獲已遂使恩率德爾余怒可奴知參官梔
師德率次于德水手等若干人護送之來抵吉備兒
島也倉朝廷遣大伴糠手子勞之彼遣大夫等慰勞
之於難波館日羅被甲乘馬抵門而下徐進廳前跪
拜曰故火葦北國造阿利斯登之子臣達率日羅奉
詔來朝不敢寧處乃解其甲上之詔館於阿斗桑市
供給優厚隨其所欲遣糠手子阿倍目物部贊子就

問國政日羅奏言夫治天下之要在愛養黎民而已
何遽興兵致危殆為臣為當今計令上自臣連二造

本書注二造者
國造伴造也

下及百姓家給人足無所闕乏行此

三年待足食足兵民人相悅不避水火同恤國難而
多造船艦列置海津誇張聲勢使韓客見之則群虜
必生恐懼然後選才能士使于百濟明諭威靈召其
國王若不肯朝則召其太佐平王子等先服其心而
問其罪又奏言臣嘗聞百濟人將以船三百艘乞筑
紫地果然則朝廷陽聽之而多設兵於壹收對馬擇
要害築壘壁陰為之備彼先率兒女入實其地及是

特發兵則可一舉而殲先則制人勿反被欺朝廷嘉
納恩率參官意謂國家用日羅則不利故國及其罷
歸竊語德爾余怒曰計我行比至筑紫汝等偷殺日
羅吾曹歸國啓之王授汝高爵恩及妻孥榮垂後世
不亦善乎德爾余怒許諾參官等遂發血鹿日羅徙
遷難波館德爾等晝夜伺隙將刺之日羅身有光如
焰德爾等恐不敢果至十二月晦其光忽熄因刺殺
之日羅甦曰殺汝者非新羅是汝驅使奴等所爲也
言畢而絕是時新羅使亦在京師故慮朝廷疑之也
帝哀其非命詔贖子糠手子收葬於小郡西丘移專

子及水手等於石川糠手子議聚居一處恐生他變
乃分處妻子於石川百濟村水手等於石川大伴村
收德爾等遣歎大夫雜治於下百濟阿田村德爾等
服罪言恩率參官殺汝等爲之也受命長上不敢違
之因下獄於是召日羅族于葦北以德爾等賜之仕
其所爲葦北君等悉殺之殺屍於彌賣島遂持日羅
喪歸葬鄉邑遺海者言恩率遇風覆沒參官船亦漂
蕩僅得免歸日本紀
紀男麻呂角宿禰之後也姓氏錄欽明二十三年新羅
侵任那男麻呂被命爲大將軍率兵出哆唎副將河

邊瓊出居曾山問新羅攻任那之狀調伊企儺薦
集部登弭倭國造手彦等從焉遂至任那先遣登弭
於百濟約束軍計登弭路遺印書弓箭新羅得之知
其計卒起大兵來戰大敗乞降男麻呂乘勝旋師入
百濟營令軍中曰夫勝不忘敗安而慮危古之善教
也今所處疆場豺狼交接豈可輕忽不思變難昇平
之世猶且不去刀劍君子之武備不可以已宜深警
戒務守斯令士卒皆悉心服事是歲冬新羅遣使入
貢崇峻四年男麻呂與巨勢比良夫狹臣大伴噲萬
城烏奈良等同爲大將軍領兵二萬餘出居筑紫再

問任那之事初新羅來襲瓊出獨轉鬪而進所向皆
捷新羅舉白旗而降瓊出不曉其意又舉白旗而進
新羅將謂諸卒曰倭將河邊臣欲降乃進軍逆戰瓊
出前鋒見殺甚衆倭國造手彦自知難救棄軍遁逃
新羅將追到城洩運戰擊之手彦馬駿超洩而得免
歛將臨洩歎曰久須尼自利本書注曰此新羅語未詳於是瓊出
急引兵退營於野士卒輕侮無從令者新羅將遂入
屯營虜瓊出及其妻板本耳美媛新羅將謂瓊出曰
汝身與婦孰愛答曰何愛一女以取禍乎遂許爲妾
新羅將面與之淫後耳美媛得還瓊出欲復合媛甚

慚恚曰嚮君輕賣妾今何面目相見終不肯言日本紀

天保十三壬寅年二月十日謹書寫之

中村萬喜直衛

大日本史卷一百八終

大日本史卷一百九

列傳第三十六

權中納言從三位源光圀修

男權中納言從三位綱條扶

曾孫狹手彦

大伴室屋孫金村

物部目孫尾輿

物部鹿鹿火

近江毛野

阿部比羅夫子少麻呂

朴市秦田來津

大伴室屋連天忍日命之裔而道臣命七世孫也公卿
補任作八世錄曾祖豐日命祖武日命武一作健從日本武
尊平定東國因賜敕部景行朝賜讚岐以為私宅三代
實父武以健一作仲哀元年為大連大連始于此補任雄
畧即位室屋為大連按補任允恭安康二朝書大連
年始書室屋為大連今據之及帝崩室屋與東漢掬受遺詔協規
戮力輔佐皇太子星川皇子反室屋謂掬曰大行天
皇詔旨懇欵宜奉皇太子以至誅姦宄乃發兵討平
之既而率臣連上爾於皇太子是為清寧帝室屋歷
事允恭安康雄畧清寧顯宗仁賢武烈七朝日本紀雄

畧曾以天敕負賜之室屋奏曰衛門開闔之務為職
已重非一人之所能堪也願與子談分衛左右許之
自是其裔大伴佐伯二氏掌左右開闔二子曰御物
宿禰姓氏錄曰談姓氏錄雄畧九年奉詔與紀小弓等
討新羅兵敗死之從者大伴津麻呂與談相失不知
其死人或指示其屍津麻呂奮躍大呼曰吾主已死
何以獨生慷慨赴敵而死日本紀談子金村
金村仕仁賢朝仁賢崩武烈未即位大臣平群真鳥
陰圖不軌其子鮪適得罪於武烈金村奉命誅鮪既
而請曰真鳥逆賊併除之帝然之曰天下將亂非希

世之雄不能濟也能安之者其在連乎即使金村將
兵圍真鳥宅而縱火攻之賊不戰而潰真鳥伏誅於
是金村奉帝即位帝以金村為大連與祖父室屋同
執政事帝崩無嗣金村首建議迎倭彥王於丹波倭
彥王逃避不出又迎男大迹王于三國立之是為繼
體帝金村奏請納于シラ白香皇女以為皇后安閑行幸
三島金村從焉使金村問良田於縣主飯粒飯粒乃
獻良田四十町及納其子鳥樹于金村為之家僮欽
明元年幸難波祝津宮問群臣以伐新羅物部尾輿
曰新羅蓄怨實由以任那四縣與百濟指為金村失

計金村慙懼乃歸住吉宅禱疾不朝帝遣青海夫人
勾子慰問金村曰臣實不病今諸臣皆謂臣喪任那
故懼不敢朝因以鞍馬贈勾子勾子還奏詔曰卿久
竭忠誠勤勞王家莫恤衆口之嗷嗷益優寵之而不
復問金村歷事仁賢武烈繼體安閑宣化欽明六帝
為五朝大連三子曰磐曰狹手彥日本紀曰阿被布古
阿被布古兼父為大連三代實錄
狹手彥仕宣化朝二年新羅寇任那父金村兼詔遣
狹手彥及其兄磐援任那磐留筑紫統其國政以備
三韓狹手彥往鎮任那且救百濟日本紀將發肥前其

妾松浦佐用嬪惜別登高山瞻望其舩不堪悲傷遂
脫領巾麾之見者莫不為流涕因號其山曰領巾麾
嶺萬葉集○萬葉集注引肥前風土記曰松浦縣東
時遣大伴鈔手比古於那那比古過此地篠原
邑有娘子曰乙等比賣有國色紗手比古娶之臨別
乙等比賣登此峯而望舉披搖招之因以名焉願昭
袖中抄引帝系圖曰欽明天皇二十三年大伴狹
及童蒙抄以爲宣化時事或在此時又引肥前風土
佐手麻呂爲遣唐使赴唐萬葉所佐提比古疑乃
佐手麻呂最詳的頭昭所說如此抄又引萬葉集注
記本大最詳的頭昭所說如此抄又引萬葉集注
狹手彦推安那古君到打海上濱將乘舟風惡舩不
有石勝推者謂狹手彦泣載那古君於草席以放於
風狹手彦與安那古君對涕泣載那古君於草席以
波上十訓抄曰相傳松浦明欽明二十三年狹手彦
神乃佐用嬪也附以備考

爲大將軍率兵數萬伐高麗與百濟合謀大破之高
麗王踰牆而逃擊却高麗王陽杏於比津留都狹
手彦乘勝入宮悉獲其珍寶及七織帳鐵屋以歸乃
以七織帳獻天皇遣甲二副金飾刀二口銅鑊鐘三
口五色幡二竿及美女媛本書注媛名也從女吾田子於獮
我稻目置鐵屋於長安寺日本金村孫咋子連位大
德冠有三子長德馬來田吹負本統日長德字馬飼大
化五年拜右大臣轉授大紫日本補任及鶴岡社司大
伴氏所藏系圖並云金村吹負自有傳長德子御行
曾孫咋子連子今據之本統日吹負自有傳長德子御行
安麻呂竝自有傳然則長德之子不止於此今無所

考

物部目伊苾佛子也紀舊事雄略即位為大連時有齒
 田根命奸米女山邊小島子帝敕目捕而究詰之齒
 田根命服罪請以刀馬各八自贖乃歌曰耶摩能謎
 能故思麼古喻爾比登涅羅賦宇麼能耶都擬播
 鳴思誓矩謀那斯目為茨之帝赦之使置委積資財
 於餌香市邊橘樹下因以餌香長野邑賜目伊勢賊
 朝日即阻命詔目與物部免代征之朝日即開王師
 至逆戰於伊賀青墓自矜善射乃大呼曰誰敢當我
 其所發箭洞重札舉軍奪氣免代畏懦不進相持兩

日於是目自執大刀使筑紫開物部大芥手持重盾
 竝進朝日即射之穿盾入大芥手虜一寸大芥手以
 盾蔽目目即獲朝日即而斬之免代自羞其逞撓七
 日不復命帝問侍臣曰免代何故不復命讚岐田蟲
 別白其狀帝聞之怒乃奪免代所領猪名部悉賜之
 目日本子荒山荒山子尾輿舊事紀
 尾輿安閑元年廬城部枳呂喻女幡媛竊尾輿瓔珞
 獻春日皇后事發覺枳呂喻進幡媛為米女竝獻安
 藝廬城部倉倉以贖女罪尾輿以事由已不能自安
 獻所部十市部伊勢來狹狹登伊賀土師部筑紫膽

狹山部以謝本書注來狹狹及欽明即位為大連明
年九月帝幸難波祝津宮乃問群臣曰今將伐新羅
當用幾兵尾輿等奏曰兵寡不可以征曩昔男大迹
天皇時百濟遣使表請任那四縣大連大伴金村輕
易奏上許其所請由是新羅積怨于我寔有年所而
今不可輕伐請罷此議帝從之十三年百濟獻金銅
釋迦佛像上表贊其功德帝大喜詔使者曰朕從昔
已來未曾聞如是微妙之法因問群臣曰西蕃所獻
之佛相貌端嚴所未嘗見朕今可拜否大臣藤原
日勤帝拜之尾輿中臣鎌子奏曰天我國家惟敬天

地社稷百八十神春夏秋冬祭之為事今拜蕃神則
恐起國神之怒帝曰宜授情願人遂賜柏日是後諸
國大疫民多大亡久而愈熾尾輿鎌子復奏曰嚮不
聽臣言致斯禍害不遠而復必當有慶宜造棄佛像
以補前過帝納焉詔有司授佛像於難波堀江悉焚
伽藍日本紀○水鏡帝王編年記曰尾輿無子弓削
而薨而水鏡所云前後妄誕今不取

守屋自有傳

物部鹿鹿火古事記作荒甲布都久留曾孫也父曰麻佐良
曰事鹿鹿火歷仕仁賢武烈繼體安閑宣化五朝為
大連本書繼體紀曰元年物部鹿鹿火為大連如故
而其初仕無所見補任不云初仕年月未詳

繼體帝之立也有定策切六年百濟表請任那上哆
唎下哆唎娑陀牟婁四縣哆唎守穗積押山亦為請
之大連大伴金村執奏朝廷許之以鹿鹿火為宣敕
使將往難波館鹿鹿火妻謂之曰昔住吉神以高麗
百濟新羅任那授胎中天皇故氣長足姬太后與武
內宿禰議每國置官府以為海表蕃屏今舉四縣賜
之百濟妾竊恐上違祖宗之法下貽萬世之譏公謂
之何鹿鹿火曰汝言實然唯恐忤旨妻曰請辭以疾
鹿鹿火稱疾不赴改差宣敕使使業已行時安閑帝
為皇子聞之而驚遣日鷹吉士追還前敕百濟使人

曰天皇俯計便宜已敕賜我大王何故敢擅改乎言
必虛矣縱是實譬諸以杖毆人小頭與大頭孰痛遂
去時人以為金村押山受賂為請二十一年近江乞
野將赴任那復其為新羅所侵之地筑紫國造磐井
據火豐二國毛野不得進詔問大伴金村及鹿鹿火
許勢男人等誰可為將者金村等僉曰鹿鹿火正直
仁勇曉暢共事舉朝無能出其右者帝然之八月詔
曰咨汝大連鹿鹿火惟茲磐井弗順汝徂征之鹿鹿
火再拜言磐井西戎奸猾阻河不庭負山作亂敗化
反道侮慢自賢昔自道臣爰及室屋撥亂敵愾極民

塗炭彼此一時唯天所贊臣奉明詔敢不恭伐詔曰
良將之行軍也明令施恩推已撫衆攻如河決戰如
風發又詔曰大將民之司命社稷存亡於是乎在鼎
哉帝親操斧鉞授之曰長門以東朕制之筑紫以西
汝制之專行賞罰勿煩奏請明年十一月鹿鹿火與
磐井戰於筑紫御井郡斬之餘衆悉平古事記爲鹿
鹿火金村率
兵討之與此異
今從日本紀宣化帝元年薨于官日本紀
近江毛野繼體帝二十一年奉敕將兵六萬赴任那
伐新羅欲復其所侵南加羅喙已吞之地以合任那
筑紫國造磐井久蓄異志將待釁而發恐事不成猶

豫經年至是新羅密賂磐井使遏毛野軍磐井乃據
火豐二國扼斷海路邀遏毛野軍以誘致諸蕃貢調
船取其方物乃臨陣罵毛野曰吁汝毛野昔爲吾伍
摩肩連臂共器同食安得遽稱敕使俾余拜伏哉因
交兵而鬪毛野相持待援事聞詔遣物部鹿鹿火討
之磐井伏誅本書闕結案蓋毛野與鹿鹿火
共振旅而歸或猶留在筑紫也二十三
年三月詔毛野赴安羅官府宣敕新羅使歸南加羅
喙已吞之地毛野至安羅召新羅百濟諸大人與安
羅王會議安羅王新起高堂以爲其所四月任那王
已能未多于岐來朝訴爲新羅所侵而請救朝廷差

使護送已能未多于岐詔毛野推問而和解之毛野
次于熊川本書注一說曰次召新羅百濟二王新羅
王遣久遲布禮百濟王遣恩率彌騰利而皆不自來
毛野大怒責二使曰以小事大天之道也何故二國
之王不親來聽教而敢使人乎逆天悖禮不敬之甚
今縱汝主自來吾不肯宣教必却之野恐不還使御
狩來奏曰臣未成王事徒歸本朝則捆載而出亟橐
而入廢命棄職罪不容誅伏願聖慈曲緩臣僕命之
期臣謹成績入朝以伏斧鑕於闕下會吉士老下文
吉士本書名奉使在任那毛野不自安因念彼若先
闕蓋一人也

吾而歸具以奏聞則吾必當重罰乃遣調吉士將兵
伐伊斯枳牟羅城阿利斯等據本書阿利斯等乃知
毛野專事細務不以和解為意頻勸歸朝毛野不聽
任那背叛欲擊毛野遣久禮斯已母于新羅奴須久
利于百濟乞兵毛野聞之迎擊于背評殺傷者半於
是百濟新羅將等因奴須久利合兵圍城罵阿利斯
等曰速出毛野毛野嬰城自守堅不可拔二國將乃
擇便地化之築一城遂拔五城而去十月調吉士至
自任那奏毛野驕狠不閑治體個儻任意不虞禍害
勞優加羅終不成和帝遣目頰子召之毛野至對馬

遇病而死歸葬于近江日本紀

阿倍比羅夫或稱阿倍引田臣齋明帝時為越守四

年兼敕率舟師一百八十艘伐蝦夷本書此條書阿倍臣關其名蓋

文鰐田淳代二郡蝦夷乞降夷酋恩荷進而誓曰奴

等食鳥獸肉故持弓矢不敢執之向官軍若不踐此

言者鰐田浦神罰之自今將清白心奉天朝乃授恩

荷位小乙上定淳代津輕郡領會渡島蝦夷等大饗

而歸又伐肅慎獲生罷二罷皮七十張以歸而獻之

明年再討蝦夷簡集飽田淳代津輕三郡及膽振鉏

蝦夷三百七十三人降虜三十五人饗賜之以船一

隻與五色絲帛祭地神進至肉入籠有問莞蝦夷膽

鹿島莞穗名進曰按膽鹿島莞穗名者二人名也可以後方羊蹄為

政所比羅夫從之因置郡領遂伐肅慎虜四十九人

以歸本書注引一說賜比羅夫及道奧司位各二階六年率

戰艦二百伐肅慎將陸奧蝦夷衆舩到大河側渡島

蝦夷十餘向河而營二人呼曰肅慎舟師多來將殺

我願渡河從軍比羅夫命舩召之問賊所伏與舟數

蝦夷指其處且曰舟二十余艘因遣使召賊賊不肯

來乃積絲帛兵鐵於海畔餌之賊繫羽為旗齊棹近

來有二翁上岸視所積使換著單衫各提布入舩俄

而復來委布而去是渡島蝦夷之別種也食頃乞和
比羅夫不聽進攻其柵能登馬身龍為賊所害比羅
夫終破賊虜五十餘人天智稱制與前將軍阿曇比
羅夫等救百濟時為太華下後將軍尋與前將軍上
毛野稚子等討新羅與唐援兵戰我軍不利百濟王
隨諸將來投日本其後比羅夫為太宰帥進大錦上

續日本紀子少麻呂

少麻呂

續日本紀少作

初冒姓引田朝臣持統朝為

直廣肆賜食封五十戶

日本紀

大寶中為造大殿垣司

慶雲元年敕復姓阿倍朝臣二年拜中納言和銅元

年再拜中納言

前罷中納言
本書無所考

以其公平超百寮進叙

正四位上為造平城宮臣長官明年叙從三位少麻

呂奏言引田朝臣邇聞東人船人久好朝臣御田次

長田朝臣大麻呂多祁留等六人實阿倍氏正宗與

臣無異但緣居處終成別氏據理斟酌良可哀矜今

臣特蒙天恩已復本姓而邇聞等未霑聖澤伏冀辨

正氏族同賜本姓許之養老元年進正三位又為同

族池田萬呂請曰正七位上池田臣萬呂本系同族

實非異姓親親之道理須改正請賜阿倍池田朝臣

姓又許之二年轉大納言四年薨

統日本紀

扑市秦田來津按本書大化元年古人皇子反誅田來津黨之不知何故被赦使事朝也
齋明七年與狹井擯柳率兵五十護送百濟王子豐璋時為小山下與豐璋同在州柔豐璋及其臣福信謂田來津等曰今州柔者土地磽确遠隔田畝是防戰之場而非農桑之地也久處則糧餉不給士平阻飢不如遷避城避城者西北帶古連且涇之水東南有深泥巨堰之要田畝四周溉灌便利實三韓之膏腴也雖地勢早下宜遷居之田來津曰今避城者去敵甚近可一夜而至也一旦有不虞悔何及且夫飢者後也亡者先也今敵之不肯輒來者以州柔山峻

谿深易守而難攻也若居早下則何以至於今日哉豐璋不聽遂遷避城既而新羅燒南邊四州并取安德等要地於是百濟王不能居避城徙還州柔果如田來津所計是歲新羅與唐軍來圍州柔拔軍救之大敗溺死甚眾田來津仰天而誓切齒大喚手殺數十人而死日本紀

天保十三壬寅年二月十六日謹書寫之

中村萬喜直衛

大日本史卷一百一十

列傳第三十七

權中納言從三位源光圀修
男權中納言從三位綱條校

葛城圓

平群真鳥

賴我稻日子境部摩理勢

物部弓削守屋補鳥部萬

葛城圓大使主玉田宿禰子也履中二年為大連松
補與平群木兒蘓我滿智物部伊呂佛共執朝政反

正允恭二朝仍為執政臣日本紀 安康朝為大臣眉

輪王弒帝與境黑彥皇子俱走匿圓第雄畧使圓出

之圓報曰臣嘗聞人臣有故逃入王室未聞諸王匿

人臣家今皇子與王來託生於臣乎臣雖驚下豈忍

出之乎帝震怒益兵圍之圓將出門請罪因索脚帶

其妻取脚帶授之悲傷作歌圓束裝既畢出而跪拜

曰臣雖就戮不敢奉命匹夫不可奪志大王寧不聞

之乎願獻臣女韓媛與葛城宅七區以得贖罪帝不

許命火其第圓等皆焚死日本紀

平群真鳥木兒子也雄畧即位為大臣清寧顯宗二

朝仍為大臣世秉國鈞權勢薰灼及仁賢崩真鳥擅

弄威福陰謀不軌佯為武烈營宮遂自居焉而日益

驕慢無人臣禮時武烈未登祚竊悅物部鹿鹿火女

影媛遣人約期影媛嘗與真鳥子鮪通而恐忤旨乃

對曰妾謹待於海拓榴巾巷帝將往遣舍人求官馬

於真鳥真鳥戲之曰養視官馬以待公事今之所在

誰不奉乎而久不進之帝恚之遂至期所與立歌場

攬袂躑躅躡突來挑之立於其間帝乃逡巡向鞘而

歌曰之哀世能儺鳴理鳴彌黎磨阿獮寐俱屢思寐

我歎多泥俱都摩陀氏理彌喻鞘答歌曰飲瀾能古

能耶陞耶哥羅哥枳瑜屢世登耶彌古帝再歌曰飲
哀陀撒嗚多黎播枳多撒么農哥儒登慕須衛婆陀
志底謀阿波夢登茹於謀賦輔亦歌曰飲哀枳灑能
耶陞能矩涿哥枳哥梅騰謀儼嗚阿摩之耳弭哥
哥農俱弭柯枳帝又歌曰於彌能姑能耶賦能之魔
柯枳始陀騰余彌那為我與釐據魔耶黎夢之磨柯
枳遂去帝贈歌於影媛曰舉騰我涿俱枳謂屢箇體
比謎拖摩儼羅磨柯我哀屢拖摩能阿波寐之羅陀
魔難代之答曰於哀枳涿能涿於寐能之都波拖夢
須寐陀黎陀黎耶始比登謀阿避於謀婆儼俱爾於

是帝方知其有茲震怒真鳥父子不敬之狀即夜至
大伴金村第圖討之金村率兵數十微難於路捕而
戮之乃樂山本書注一本云難宿影媛追至驚惶悲
泣乃作歌曰伊須能箇涿賦屢嗚須擬底舉慕摩矩
羅拖箇播志須擬慕能婆幡俱於哀野該須擬播屢
比能箇須我嗚須擬逗摩御慕屢嗚佐哀嗚須擬拖
摩該俱播伊比佐倍母理拖摩暮比爾涿逗佐倍母
理儼政曾哀遲喻俱謀柯碍比謎阿婆例遂収埋其
尸歌曰阿嗚俱與志乃樂能婆娑摩俱斯斯貳暮能
涿逗矩陞御暮黎涿儼曾矩思寐能和俱吾嗚阿

啖理^リ返^ツ那^ナ偉能古^ノ日本紀○古事記以此事為仁賢
且云顯宗仁賢二帝相議發兵既而金村奉命將兵
誅難而不載金村名今不取圍真鳥第而焚之真鳥眾潰自度不免悉詛海鹽天
皇不能食之遂伏誅合門無噍類當真鳥詛鹽偶忘
角鹿海鹽自是尚食唯供角鹿海鹽餘不御云^{日本紀}
糠我稻目宿禰石川宿禰玄孫高麗之子也^{補任}宣
化元年為大臣欽明時仍為大臣會百濟聖明王獻
金銅釋迦佛像帝欲禮之歷問群臣稻目曰西蕃諸
國一皆禮之我國何獨不然於是帝使稻目拜之稻
目大喜跪受而安置小墾田家勤修為事遂捨向原

家為寺號向原寺是為佛宇之始聖明王為新羅所
殺其子餘昌使第惠養之帝聞而傷焉使許勢臣問
之曰汝欲留此邦乎惠答曰願多賜兵革報先考之
仇稻目復問曰聖明王學達天地名溢四表意謂永
保社稷奉事我天皇豈圖一旦罹不測之禍今有何
謀以鎮國家惠曰臣性愚昧不知大計况禍福所倚
國家存亡乎稻目曰往昔大泊瀨天皇時汝國為高
麗所逼危甚於累卵天皇使汝國祭建我邦之神由
之社稷安寧頃聞汝國怠而不祀方今後悔前過豐
潔祭祀則國可以安汝謹莫忘焉二十三年大伴狹

手彥還自高麗以其所獲美女及甲刀鐘幡若干遺
貽目稻目納其二女為妻居輕曲殿三十一年薨日本
紀子馬子境部摩理勢按姓氏錄稻目子有男小祚
未詳附馬子逆臣傳

境部摩理勢推古崩無嗣時摩理勢姪蝦夷為大臣
竊與摩理勢詢所立摩理勢嘗與豐聰耳太子相善
建言當立山背大兄王蝦夷欲以遺詔立田村皇子
再使阿倍麻呂中臣弭氣問摩理勢摩理勢曰嚮者
面與大臣議決何更使人傳言耶怒甚是時宗族咸
廬于馬子冢上摩理勢乃毀其廬歸家不出蝦夷不

憚遣身狹勝牛錦織赤猪謂曰眾非汝是我必違眾
從汝眾是汝非我當背汝從眾我前知汝言不是而
干支之義不忍加害汝執迷不回我與汝生隙國家
亦亂然則後世當言我二人破國是遺惡名於後葉
也莫獨自異摩理勢不從遂奔班鳩居于泊瀨王家
蝦夷大怒令群卿請大兄王曰頃者摩理勢違臣臣
於泊瀨王宮願得之推問所由大兄王乃教摩理勢
以從群議摩理勢哭泣還家居之十餘日泊瀨王薨
摩理勢歎曰我生復誰恃矣蝦夷遣兵擊之摩理勢
聞兵至率仲子阿柳出踞胡床開門而待來目物部

伊區比縊殺之瘞其屍於一所長子毛津逃匿尼寺
後毒歎尼一尼妬而發之兵來圍寺毛津入畝傍山
自剄而死日本紀

物部弓削守屋尾與子也繼父爲大連敏達朝佛法
漸行于世大臣獲我馬子首崇信之守屋心不喜之
頗有所規諫十四年人民多疫死守屋與大夫中臣
勝海俱奏曰何故不用臣言而至使天下患若如此
竊惟自先朝以逮陛下疫疾流行生民將絕此非蘇
我氏世興佛法之故乎請宜禁絕詔從之守屋身自
往寺踞于胡床毀壞塔宇燔燒佛像棄餘燼于難波

堀江是日無雲而雨守屋被雨衣責馬子及其徒信

佛者遣佐伯御室

本書注一各於間礎

逮馬子所崇之三尼馬

子啼泣出之吏人奪其衾衣撻於海石榴市馬子甚

耻之由是構怨

本書注一本曰物部守屋三輪逆中

而馬子爭守屋嘗與兒穗部皇子相善皇子陰抱異志

使守屋率兵攻三輪逆守屋往斬之馬子歎曰天下

之亂不久矣守屋曰非汝小子之所知也用明二年

帝不豫詔欲歸佛守屋勝海又奏曰何背國神而敬

蕃神臣等不知其所以唯馬子贊之引豐國法師入

宮中守屋大怒睨視押坂部毛屎密告守屋曰今群

臣圖卿將要路守屋退居於阿都別業聚兵自衛勝
海率兵與之合作彥人竹田二皇子像厭之既而勝
海知事不成適水流宮歸于彥人皇子舍人迹見赤
檮伺其出宮而擊殺之守屋使人謂馬子曰竊聞群
卿謀我故退焉而益招集軍衆日夜警備及帝崩
守屋欲舍諸皇子而立穴穗部皇子爲嗣欲託獵淡
路而與穴穗部皇子相謀事泄馬子遣兵殺穴穗部
皇子與宅部皇子而與竹田豐聰耳難波春日諸皇
子及紀男麻呂巨勢比良夫膳賀^{シニヤ}抱夫^フ葛城烏那羅^{ウナラ}
俱率師攻守屋遣大伴嚙阿部人平群神手坂本糠

手春日臣

本書注
名關

從志紀郡抵澁河家守屋親率子

弟築稻城拒戰兵勢甚壯守屋登樹雨射諸皇子軍
恐怖三退豐聰耳及馬子整兵進攻迹見赤檮射殺
守屋并其子軍潰其衆舉被皂衣爲獵廣瀨勾原而
遁子男親戚或有變姓名逃匿者時人謂曰蕪我大
臣之妻物部大連之妹也大臣妄用妻計而亡舅家

日本
紀

捕鳥部萬守屋資人也當馬子攻守屋將兵一百守
難波宅聞守屋死乘夜潛逃抵茅渟有真香邑與其
妻訣遂匿山中朝廷議萬懷逆心當盡族誅會萬身

被敝衣執弓劍而來有司遣衛士數百圍之萬隱于
叢篁以繩繫竹插之令人謬已所在衛士疑惑萬連
射倒數人衛士恐不敢近萬拔弓向山走衛士追射
皆不能中有一人疾馳伏于河上射萬中膝萬拔其
矢控弦將發乃倒地號呼曰萬將為天皇之省而劾
其勇何不問其故窘迫至此吁汝等來前願聞我罪
追兵競馳射之萬連斬飛矢而殺三十餘人截其弓
拔劍于河而自刎河內國司奏狀朝廷下符斬之八
段八陳八國臨斬雷鳴大雨觀者畏懼有萬所養白
犬哀吠環屍遂嚙其頭杖置古冢卧其側不食而死

國司奏之朝廷下符曰此犬世所希聞可觀於後許
使萬族杖葬由是萬族變築墓於有真香邑葬萬及
犬國司又言是後也戰死於餌香川原者數百身首
異處姓名難辨唯以衣色杖之有櫻井田部瞻亭所
養犬能識其主榜續身首伏側守之待人杖其屍而
去見者異焉

日本
紀

天保十三壬寅年二月二十日謹書寫之

中村萬喜直道

大日本史卷一百一十一

列傳第三十八

權中納言從三位源光圀修
男權中納言從三位綱條校

藤原鎌足

蘓我倉山田石川麻呂

巨勢德太古

多治比島子水守 廣足

石上麻呂子乙麻呂

橘諸兄

藤原鎌足一名鎌子本姓中臣父御食子為小德冠
系圖○大鏡曰鎌足生于常陸元亨釋書曰和別高市郡人其先天兒屋根命為
瓊瓊杵尊輔臣其孫天種子命仕神武有功掌祭祀
神皇正統記職原抄天種子命八世孫大鹿島命仕垂仁為大
光帝建天照大神祠於伊勢命為祭主大鹿島十一
世孫常盤大連仕欽明始賜姓中臣常盤大連生可
多能祐大連御食子乃可多祐大連子也系圖鎌足皇
極三年拜神祇伯稱病不就退居三島孝德龍潛之
日與鎌足相親善會病足不朝鎌足往侍宿其宮帝
素重鎌足容貌志氣難犯敬待特異命寵妃阿倍氏

淨掃別殿設新葺其所須靡不具給鎌足深感知遇
語所候舍人以翼戴之意孝德大喜當是時獮戎入
鹿狹不臣之心鬪鬪社稷鎌足素忠正慨然有匡濟
之志竊察宗室諸王求有為之主乃屬意於天智帝
然踈隔不能通情一日陪天智蹴鞠於法興寺槐樹
下帝鞋隨鞠而脫鎌足跪奉之帝亦跪受之自是相
善俱布肺腑無所伏藏然恐數舍人生嫌疑託學周
孔之道於南淵先生每往來密謀于路無計不相協
鎌足曰成大事者不可無毗輔今日之計非得蘓我
石川麻呂則不可王宜納其女以為妃而後與之謀

則成切之路莫近於茲帝大悅從之鎌足往說石川
麻呂進其女自是石川麻呂赤心奉帝鎌足又舉佐
伯子麻呂葛城推犬養網田四年六月三韓朝貢天
智告石川麻呂曰三韓進調之日卿當讀其表我欲
入誅入鹿卿宜知其意石川麻呂諾焉及期天皇御
大極殿入鹿爲人多疑晝夜帶劍鎌足教俳優調誘
之入鹿笑而解劍乃入就位石川麻呂進讀表天智
戒衛門府鎖十二通門以紀出入而集衛士于一所
如將賜物天智自執長槍隱於殿側鎌足持弓矢警
備使海犬養勝麻呂授匣中兩劍於子麻呂網田曰

努力斬入鹿子麻呂恐甚以水送飯即反吐鎌足叱
而進之表文將盡石川麻呂汗流浹背聲嘶手顫入
鹿怪問之石川麻呂曰天威咫尺不覺而然天智見
子麻呂等畏縮不發恐其失機咄嗟而進急擊入鹿
中其頭肩入鹿驚起子麻呂揮劍斬其一脚入鹿攀
御座叩頭曰臣不知罪請垂天鑒天皇大驚謂天智
曰入鹿有何罪天智伏地奏曰入鹿翦滅宗室覬覦
神器豈以天孫易亂臣乎天皇即起入內子麻呂網
田遂殺入鹿是日大雨潦水溢庭以席覆其屍天智
慮有他變入法興寺以備諸皇子公卿諸臣悉起焉

入鹿臣屬謀擁其父蝦夷作亂既而潰散蝦夷亦伏
誅皇極遂欲傳位於天智天智告鎌足鎌足曰古人
大兄殿下之兄也今殿下越次兼大統恐失恭遜之
義而輕皇子殿下之舅也臣愚以為不如讓輕皇子
以答民望天智從其言乃密奏之遂立輕皇子是為
孝德帝也以鎌足為內臣授大錦冠增封若干戶日本
紀○愚管鈔曰二十戶統日本紀天平實字元年藤
原仲麻呂言淡海大津字皇帝功曰一百町賜臣曾
祖藤原內大臣其年十二月太政官奏大職藤原內
大臣乙巳歲功曰一百町按乙巳歲即孝德大化元
年也仲麻呂為天智帝所賜者詔曰社稷獲安寔賴
文雅異而事則一無所考今公力軍國機務惟公處分公卿
補任鎌足懷至忠之誠居

官司之上進退廢置無言不聽白雉五年詔授紫冠
增封戶既而天智帝即位二年十月鎌足有疾帝臨
其第親問所患曰天道輔仁何言之虛積善餘慶猶
是無徵若有所欲言便可以聞鎌足奏曰臣之不敏
生則無益軍國死不欲擾百姓如其葬儀願從儉素
時論稱之尋使大海人皇子就第賜大織冠授大臣
位賜姓藤原因稱藤原內大臣明日薨帝臨其第使
大錦上襖戎亦兄直恩詔賜金香爐日本紀○本書
注引日本世紀
曰內大臣春秋五十薨鎌足二子長僧定慧入唐留
濱於山南碑曰五十六歲
學元亨釋書定慧傳曰孝德帝妃孕已六月賜之鎌
足元亨釋書定慧傳曰盛衰記曰天智帝賜妃於鎌足

生定慧亦無次不比等自有傳初葬鎌足於攝津阿
威山定慧歸自唐改葬于大和多武峯肖像祀焉後
世國家將有大變則其像破裂朝廷遣使禱之云
緣記本書曰初鎌足與天智帝會談和州倉橋山藤
花下謀誅入鹿因弓其地曰談峯鎌足嘗謂定慧曰
談峯之為地也東連伊勢山下對金剛山南界金峯
山北隣大神其靈勝不唐之五臺我百歲後上
非域於此則後葉繁行矣定惠歸自唐憶其言遂改
葬于談峯且創伽藍名曰妙樂寺按談峯緣起不知
誰人撰或曰藤原魚良撰其所載事迹與日本紀附會
同而間有異者悉涉怪言蓋後人剽校日本紀附會
以成今

不取
也皇極四年與中臣鎌足合謀誅蕪我入鹿孝德即
蕪我倉山田石川麻呂大臣馬子之孫倉麻呂之子

赤拍古格
赤猪
奏叔正奉
作奏

位拜右大臣同左大臣阿倍倉梯麻呂賜金策日本
倉梯麻呂者大彥命之裔一名內麻呂又稱大鳥大
臣置左右大臣始于此姓氏錄石川麻呂有異母弟
曰日向守身刺大化五年譜石川麻呂於皇太子曰
臣兄石川麻呂伺殿下遊海濱以為凶逆太子信之
遂奏于帝帝乃遣大伴狛三國麻呂穗積嚙等鞠問
反狀石川麻呂曰我當詣闕自陳狛等奏之帝乃遣
兵圍其它石川麻呂攜二子法師赤狛赤猪道弟
濟而奔倭先是長子興志在山田營佛寺聞變迎石
川麻呂於今來擁入佛寺興志欲拒追兵石川麻呂

不聽與志猶聚兵欲燒小壘田宮石川麻呂聞其謀
曰汝愛死乎曰否石川麻呂則諭與志及山田寺僧
徒曰夫為人臣子者苟構逆於君失孝於父耶我造
此伽藍亦非為身謀一祈天祚之永久也而今被身
刺之讒陷不測罪所以逃來于此者欲從容就死也
平生忠誠死猶不測乃開佛殿戶誓曰願生生世世
不怨君上遂自縊而死妻及三男一女同死其餘從
死者多是日大伴狛蕪我日向將兵追石川麻呂及
至黑山會土師身采女使主麻呂從山田寺馳來告
曰石川麻呂既與妻子俱縊死於是狛等自丹比坂

歸翊日本麻呂日向穗積嚙率兵圍山田寺使物部
二田鹽斬石川麻呂首鹽拔刀先劔其肉祭而示衆
叱咤嗚呼而斬之仇坐石川麻呂事斬者田口筑紫
耳梨道德高田醜雄額田部湯坐連奈吾寺等十四
人絞者九人流者十五人既而籍石川麻呂家檢其
家資好書皆記曰皇太子之書重寶皆記曰皇太子
之物於是太子始悟其冤愧悔哀歎遂以日向為太
宰帥實貶之也時人謂之隱流日本紀

巨勢德大古雄柄七世孫也日本紀本書往德
本書或曰巨勢臣德本或曰巨勢德臣巨或曾祖男
曰巨勢德臣古臣不可輒改作巨也據之臣

人事繼體為大臣補皇極二年德太古黨蘇拔入鹿

襲山背大兄王於班鳩宮入鹿被誅其黨集兵謀作

亂德太古奉天智命諭以逆順賊黨潰散拜右大臣

大化五年授大紫統日本紀廢帝紀稱難波長柄豐

不載其轉充大臣白雉元年新羅貢調使知萬沙食

等著唐服泊筑紫朝廷惡其恣易俗譴責還之德大

古奏曰今不伐新羅後必有悔請自難波津至筑紫

海多泛戰艦以盛形勢召新羅問其罪彼必懾服無

後患矣不聽日本紀齋明四年薨年六十六補子黑麻

呂至中納言小錦中黑麻呂二子曰邑治曰小邑治

邑治本書或作祖事持統帝為監物坐事罷官後為

參河守務大肆大寶元年從栗田真人為遣唐使大

位後為播磨守補右大辨養老二年仕中納言尋為

攝津國攝宮神龜元年進正三位是歲薨小邑治位

從五位上子坂麻呂或為邑治所養兼其後事聖

武孝謙朝累遷從三位為參議紫微大弼兼兵部卿

天平寶字二年參預政易官名五年薨統日本紀

多治比島日本紀天武紀上殖葉皇子曾孫多治比

古王第四子也統日本紀多治比古王生之名臨浴多

治花飛浮釜中因為瑞名多治比古王請賜姓賜多

治比公以名為姓存其舊也三代實錄貞觀八年按

比古玉作多治比王據日本紀及補任多治

有多治花瑞因賜色鳴宿禰姓丹比宿禰事詳反正

紀當天武朝島為筑紫太宰政公賜真人持統朝自

直廣貳進直壹增封通前百戶四年進正廣參拜右

大臣增封三百戶數年請致仕賜輿杖假官及資人

一百二十人日本紀文武朝為左大臣優其高年賜靈

壽杖及輿大寶元年授正二位七月薨年七十八詔

遣三品刑部親王正三位石上麻呂就第吊賻統日本紀

五子池守縣守水守廣成廣足池守縣守自有傳水

守大寶中為尾張守時持統上皇將幸參河至尾張

賜水守封一十戶遷河內守和銅初為近江守至從

四位下所在有政績賜田一十町穀二百斛衣服若

干入為右京大夫除宮內卿四年卒子土作至參議

從四位上統日本紀

廣足天平中歷上總守刑部兵部卿勝寶元年拜中

納言二年授從三位寶字初姪犢ウシノカ養禮麻呂鷹主黨

干擱奈良麻呂教曰廣足昏耄不教諸姪悉為賊徒

如此之人何居宰輔宜辭官以散位歸第四年薨統日本紀

石上麻呂本姓物部連大連目之後衛部守麻呂子

也統日本紀梅本書一本宇麻呂作宇麻乃曰事紀
授大華上氏印大刀食封十烟奉齋神士申之亂帝
宮而日本紀及諸書不載今無所徵
大友敗走大臣以下皆散唯獨麻呂從天武帝授大
乙上為遣新羅大使踰年歸授小錦下進直廣參政
賜今姓持統朝赴筑紫監新城尋進直廣壹假資人
五十紀日本進直大壹文武朝為筑紫總領尋拜中納
言大寶元年改正三位為大納言兼太宰帥太宰帥
此為其始慶雲元年拜右大臣益封二十一十七十
戶和銅元年累進正二位轉左大臣遷都平城麻呂
為難波京留守養老元年薨年七十八年據帝深悼

廢朝遣式部卿長屋王左大辨多治比三宅麻呂就
第吊賻贈從一位百姓追慕無不痛惜又賜其家絕
一百端帛四百約綿一十斤布二百端統日本紀子乙麻呂

乙麻呂天平中為丹波守陞左大辨坐茲久米若女
流土左後召還歷西海道巡察使常陸守右大辨遷
中務卿十九年授從三位勝寶元年拜中納言補任
平二年三月拜參議今據補二年薨統日本紀乙麻呂為
人穎秀雍容閑雅潛心典墳兼愛篇翰尤好倭歌懷
藻集其在南荒臨淵吟澤寫心文藻著銜悲集二卷

傳于世天平中選入唐使無出乙麻呂右者因為大
使眾悅服然不果懷風藻子宅嗣自有傳

橘諸兄難波皇子曾孫治部卿美努王子也續日本紀補仕

按日本紀美努初名葛城為諸王和銅中叙從五位

下補馬寮監天平初累進正四位下為左大辨三年

擢參議明年進從三位統日本紀○可葉集曰葛城

王不悅雖欲飲饌不肯享樂有曰采女左手捧觴右

手持水折王膝詠倭哥曰禍瑣加耶麻珂計散倍美

由留也滿濃為乃鴉瑣後巨路乎倭禮於母改與

難久爾王意解而使于陸奧未知在何年故不書與

弟佐為王上表曰臣葛城等言天平五年故知太政

官事舍人親王大將軍新田部親王宣敕曰聞諸王

等願賜臣連姓故召王等令問其狀者臣等幸遇恩

救昧死以聞者輕東原大宮天皇曾孫建內宿禰創

為八氏之祖永遺萬代之基自此以來賜姓名氏或

真人或朝臣源姓王家流終臣民飛鳥淨御原大宮

天皇德覆四海威震八荒太上天皇內修四德外撫

萬民後太上天皇無改元軌守而不違臣葛城親母

贈從一位縣犬養橘宿禰上歷淨御原朝廷下逮藤

原大官事君致命移孝為忠和銅元年供奉大嘗天

皇褒忠誠之至賜浮杯之橘曰橘者菓之珍大人

所好柯凌霜雪而繁茂葉經寒暑而不凋與珍玉共

競光文金銀以愈美是以賜汝姓橘宿禰而今無繼
兼恐失明詔伏惟皇帝陛下光宅天下充塞八埏四
民安業萬姓謳衢臣萬城幸遭明時濫接九卿進以
可否志在盡忠夫賜姓定氏而來遠矣臣萬城等願
賜橘宿禰姓載先帝之原命流橘氏之殊名詔報曰
王等情深謙讓志在顯親辭皇族之高名請外家之
橘姓尋思所執誠得時宜一依表賜宿禰乃改今橘
名統日元正上皇適宴皇太后宮賜倭歌及酒萬葉集九
年拜大納言十年進正三位拜右大臣未幾進從二
位帝幸其相樂別業授其子奈良麻呂位十五年幸

紫香樂諸兄留守五月五日宴宮中皇太子舞五節

帝使諸兄奏元正上皇悅詠倭歌帝授諸兄從一位

轉左大臣兼太宰帥勝寶初進正一位改賜姓朝臣

八年致仕統日本紀按本書室元元年載先是上皇

飲酒言辭無禮稍有反狀上皇優容不問大臣知之

無幾致仕是時患美仲麻呂被考謙壁寵醜聲彰開

後奈良麻呂圖除仲麻呂蓋繼其志也寶字元年

薨年七十四補年據朝廷遣從四位下紀飯麻呂從五

位下石川豐人等監護葬事官紀資用統日諸兄居

井手里故禰井手左大臣又稱西院大臣補任歷代

奈良麻呂自有傳

天保十三壬寅年三月四日謹書焉之

中村萬喜直道

大日本史卷一百一十一終

大日本史卷一百一十二

列傳第三十九

權中納言從三位源光圀修
男權中納言從三位綱條杖

蘓我赤兄

中臣金

蘓我果安

巨勢人

書樂

境部藥

壹岐

韓國

大養

田邊

小隅

大伴吹負

馬來

杜戸

智尊

坂本

財

紀部村井

麻呂

大分

子分

坂田

雷

星川麻呂

三宅

石末

當

麻廣

麻呂

蟲

土師真敷

麻呂

雄

膳摩

瀨

當

麻廣

麻呂

蟲

蟲

羽田八國 大伴友國 文治德
救屋木間 賀茂報夷 多呂治
若櫻部五百 瀨 山背部 小田君手 坂上老
田中足麻呂 忌部色布 知民大火
縣犬養大伴 書根麻呂 黃文大伴
高田新家

村國男依

三輪高市麻呂

栗隈王 子三野王

大伴安麻呂

近江朝廷紀綱不振昇發訂謀召虎勳庸咸無聞焉
然革除之際興廢之會各守所見克行其志豈天理
人心之公不容泯滅者歟苟非如斯則何以維持綱

常乎蘓我赤兄至智尊凡十八人或死或匿或執或
流跡雖各異而終不負所事故事雖載于本紀甄其
姓名以錄于此其他如佐伯胃物部麻呂仕天武累
受官爵穗積百枝物部日向遭執復釋並不得列于
此若夫紀大人倍執爐之盟其罪不言可知矣
蘓我赤兄大臣馬子孫倉麻呂子也齊明帝辛年事
温湯赤兄為留守會有間皇子謀反赤兄乃收皇子
及其黨悉誅之語在右間皇子傳天智二年拜筑紫
率位大錦上四年為左大臣日本時稱藏大臣時稱
卿補是歲帝疾大漸赤兄及右大臣中臣金御史大
任

史蕪我景安巨勢人紀大人侍皇太子手執香炉起
盟赤兄等同盟天武即位以罪流日本紀

中臣金可多能祐連孫糠手子連子也系圖天智三年

班幣諸神時金宣祝詞四年正月宣神事是月拜右

大臣十一月與左大臣蕪我赤兄等盟于西殿士申

之亂帝大友崩于山前天武殺金於淺井田根其子

配流日本紀

蕪我景安天智四年為御史大夫士申之亂奉詔與

山部王巨勢人將兵數萬軍于犬山川上將襲不破

既而與人相謀殺山部王軍亂不進景安自犬上還

自剽天武即位流其子日本紀

巨勢人父大海推古朝為小德人天智朝為大錦下

四年任御史大夫續日本紀為中士申之亂與蕪我

景安謀軍犬上川及大友崩與子孫共被流日本紀子

奈氏麻呂聖武孝謙二朝累官民部卿春宮大夫參

議左大辨天平中賜金牙飾班竹杖累遷神祇伯中

納言兼北陸山陰兩道鎮撫使為大納言叙從二位

天平勝寶五年薨續日本紀

書樂忍坂大麻呂士申之亂與葺那磐歛奉詔徵兵

東國比至不破為伏兵被執磐歛逃歸日本紀

穗積百足士申之亂為興兵使者赴倭京營于飛鳥寺西為大伴吹負被誘殺紀日本

禰磐手士申之亂奉詔往吉備徵兵手殺國司當摩廣島不知其所終紀日本

田邊小隅士申之亂將兵越鹿深山卷幟卧鼓至倉歷定軍號言金以別敵兵夜半銜枚斫營事出不意

營將田中足麻呂不知所為眾悉亂走足麻呂獨偷號僅免小隅又進襲荊荻野營為多品治所邀擊而

敗走不知所終紀日本境部樂秦友士申之亂將兵與村國男依戰兵敗而

死紀日本

壹岐韓國士申之亂將兵與坂本財戰于衛我川破之進戰于葦池為大伴吹負所敗不知所終紀日本

大養五十君谷鹽手士申之亂將兵與村國男依戰于粟津兵敗而死紀日本

廬井鯨士申之亂隸大養五十君將兵擊大伴吹負營不利敗走不知所終紀日本

社戶大口土師十鳥士申之亂與村國男依戰于安河上而敗並被執紀日本

智尊士申之亂將兵為帝先鋒大戰于瀨田兵敗死

之吉野兵益進官軍不能禦帝還山前自縊日本紀

天武稱兵其迹不可掩毀信效逆恃疆陵弱遵養時

晦惟有慙德而猛將謀臣雲集影從大伴吹負至黃

丈大伴三十五人際會風雲樹立殊勲率皆識時達

變之士也生登榮顯死受賻贈朝廷醜切之典亦可

謂優矣置始免出雲狎膽香尾安倍等舊史不記卒

年吊賻贈位亦無聞也如其事跡既載諸本紀故不

揭于此

大伴吹負咋子之子也日本紀天武紀曰大伴連男

錦中位續日本紀曰咋子連子贈大錦中小吹負按

載其卒乎蓋吹負男吹負元非二人而間慷慨有大

志欲匡濟艱難立名當世察時有變稱疾居于倭常

謂終踐天位者必吉野皇大弟也及天武入東國吹

負留而不從結親族豪傑得數十人時留守司高坂

王及興兵使者穗積百足營于飛鳥寺西吹負密與

留主司坂上熊毛謀召漢直等戒曰我詐稱高市皇

子率兵出飛鳥寺北臨高坂王營汝等為內應因治

兵百濟家先使秦熊過而呼曰高市皇子自不破至

從兵甚眾營兵聞之逃走吹負率數十騎來與熊毛

及諸漢直等連和營兵悉歸附時百足自小墾田兵

庫輸器伏于近江吹負以高市皇子命召百足百足
至飛鳥寺吹負執而斬之遂諭高坂王稚狹王從軍
又執穗積五百枝物部日向既而釋置軍中遣大伴
安麻呂坂上老佐味少麻呂於不破奏之天武大喜
拜吹負爲將軍於是三輪高市麻呂賀茂蝦夷等諸
豪傑多來附吹負選其英俊爲別將軍監將襲近江
赴乃樂比至押田有人傳近江軍自河內至吹負分
遣坂本財長尾真墨倉場麻呂民小籾谷根麻呂于
龍田佐味少麻呂于大坂賀茂蝦夷于石手道兵谷
數百吹負自屯乃樂山荒田尾赤麻呂謂曰右京是

根本之地不可不守也吹負乃遣赤麻呂忌部子人
於右京赤麻呂等毀橋爲盾列街衢而禦守明日吹
負與大野杲安戰于乃樂山敗績僅以身免杲安追
至八口見街衢列板知其有備引兵而還數日吹負
至墨坂會置始免率十餘騎來援因合其軍還屯金
網井招聚散卒聞帝大友兵自大坂至提兵西至當
麻與壹岐韓國戰于葦池麾下壯士來目揮力急
馳衝陣騎兵繼進大破之斬獲甚多吹負下令曰方
今舉兵者非殺百姓惟誅元凶勿妄殺矣韓國棄軍
而逃吹負令來目射之不中歛兵還營東軍多至吹

負分兵上中下三道身自中道帝大友將犬養五十
君遣別將廬井鯨率精兵二百衝吹負軍麾下兵寡
不能拒唯大井寺奴德麻呂等五人進爲先鋒連射
鯨軍不能進三輪高市麻呂置始兒進自上道戰于
箸陵大破帝大友軍衆勝斷鯨軍後鯨前後受敵士
卒狼狽軍大亂鯨乘白馬而逃陷泥不能自拔吹負
召甲斐壯士指示曰彼衆白馬者鯨也汝追取之壯
士既及鯨急策馬得脫倭地悉定吹負進經大坂至
難波諸將亦自三道並進至山前屯于河南吹負留
難波小郡令西國諸司獻官鑰驛鈴傳印天武帝之

得天下也吹負初居多十二年卒贈大錦中初吹負
軍金網井時高市郡大領高市許梅口噤不能言神
憑曰我至高市社神事代主牟狹神生靈也當以神
馬兵器獻神日本磐余彥天皇陵我已奉御孫送不
破宮還護本軍今敵軍將自西道至宜早備矣言訖
復故吹負乃遣許梅祭陵如神所教並奉幣二神又
村屋神憑祝曰敵兵將至自中道過我社宜速設備
倣而壹政韓國來自西道廬井鯨至自中道景如其
言事平吹負具狀奏之敕陞三神位以祀焉日本紀吹
負二子祖父麻呂牛養仕聖武朝祖父麻呂從四位

下越前梅察使牛養至正三位中納言續日本紀

馬來田本書一作望多吹負兄也初與吹負居于倭及天武

入東國與黃文大伴追從焉日本紀帝即位論功封一

百戶續日本紀十一年帝其悼之遣泊瀨王吊之以其

累葉立功贈大紫賜鼓吹葬之日本紀按續日本紀大紫作內人紫子

道足補任為安麻呂子不知何據文武元正聖武朝至參議正四

位下南海道鎮撫使大寶元年賜以封四分之一道

足子伯麻呂叙從四位下寶龜中拜參議宴飲談話

頗有風操光仁寵幸之歷左大辨衛門督中宮大夫

加從三位延歷元年薨續日本紀

小子部鉏鈎為尾張國司守士申之役天武入不破

比及郡家鉏鈎率眾二萬來歸帝喜之分遣其兵扼

諸道及與近江兵戰鉏鈎匿山自死帝曰鉏鈎有功

者也無罪自死其有陰謀乎日本紀

坂上財士申之役為大伴吹負裨將事平授大錦上

帝元年卒贈小紫日本紀

紀阿閉麻呂士申之役拜東道將軍天武即位優詔

褒功二年卒贈大紫日本紀

大分惠尺士申之役天武使往近江召高市大津二

皇子及帝至伊勢與大津皇子來會三年病劇詔曰

惠尺背私奉公不顧身家竭力大事以成雄圖朕素
欲優寵而今無及儻終不起厚報子孫因進位外小
紫無何而卒日本紀

物部朴井雄君舊事紀曰守屋子物部雄君連公天
武帝時賜氏上內大紫冠位按守屋
被誅在用明帝二年至士申之亂
相距八十八年不足為據故不取士申之役以舍人
從車駕於東國日本紀天武即位論功封一百戶續日本紀

四年卒贈內大紫賜氏上日本紀大寶元年敕賜封四
分之一於其子續日本紀

三輪子首本書子首或
作子人君首為伊勢介士申之役降于天
武日本紀論功封一百戶續日本紀四年卒贈內小紫謚大

三輪真上田迎君日本紀大寶元年敕賜封四分之一
於其子續日本紀

坂田雷天武四年卒以士申功臣贈大紫日本紀

紀堅麻呂位小錦下天武元年為造高市大寺司七
年卒以士申功臣贈大錦上日本紀

大分稚見本書見
或作臣以勇敢稱士申之役從大津皇子
會天武于伊勢瀨田之戰為先鋒破帝大友軍天武

即位為兵衛七年卒贈外小錦上日本紀
秦綱手位小錦下天武八年卒以士申功臣贈大錦

上日本紀

星川麻呂位小錦中日本紀賜切田四町日本續紀天武八

年卒以壬申功臣贈大紫日本紀子黑麻呂從七位上

靈龜二年以父切賜田日本續紀

三宅石床為伊勢守壬申之役降于天武位至小錦

下八年卒賜大錦下日本紀

舍人糠麤位大山上天武十年授小錦下卒以壬申

切臣贈大錦上日本紀

土師真敷天武十年卒以壬申切臣贈大錦上日本紀

膳摩カシラ漏位小錦中天武十年疾病帝遣草壁高市二

皇子問疾尋卒以壬申切臣賜大紫賜贈皇后亦賜

贈日本紀

當麻廣麻呂位小錦上天武十三年為直大參卒以

壬申切臣贈直大壹日本紀

羽田八國或本書八壬申之役為帝大友將與子大人

率族降于天武授斧鉞拜將軍北定越地位大錦下

十一年奉詔畫諸國封疆至大辨宮直大參來鳥元

年疾帝為度三僧卒贈直大壹日本紀

大伴友國壬申之役從天武于東國持統六年卒贈

直大貳賜贈日本紀

文智德或本書文壬申之役從天武赴東國日本紀帝即

位論功封一百戶賜田四町續日本紀九年授小錦下持

統六年卒贈直大壹賜賻日本紀子鹽麻呂從七位上

大寶元年賜火封四分之一靈龜二年加賜田續日本紀

蚊屋木間持統七年卒以士申功臣贈直廣參賜賻

日本紀賀茂蝦夷士申之役與三輪高市麻呂屬將軍大伴

吹負天武即位授勳大壹持統九年卒贈直廣參賜

賻日本紀多品治為美濃安八磨郡湯沐邑令士申之役天武

命品治發郡內兵守不破關別將精兵擊田邊小隅

走之位小錦下十一年奉詔與伊勢王等循行諸國

界畫封疆持統十年授直廣壹加賞賜以履元從之

功日本紀若櫻部五百瀨士申之役從天武于東國日本紀帝即

位論功封八十戶續日本紀持統十年卒贈直大壹賜賻

日本紀於其子續日本紀扣珥部君手士申之役與村國男依發兵塞不破關

從擊近江日本紀天武即位論功封八十戶賜田八町

續日本紀位勤大壹卒贈直廣壹日本紀子大石叙外從五

位下大寶元年賜火封四分之一靈龜二年加賜田

續日
本紀

田中足麻呂為伊勢湯沐令士申之役迎天武于鈴

鹿守倉歷道紀日本位直廣參文武二年卒贈直廣壹

續日
本紀

山背部小田士申之役從天武於東國兼命發東海

軍紀日本位勳大貳文武二年卒贈直廣肆續日
本紀

坂上老從大伴吹負吹負降高坂王老與大伴安麻

呂等奏狀於不破宮紀日本文武三年卒詔曰圖勲之

義肇自前脩創功之賞歷世斯重所以旗壯士之節

著不朽之名也坂上忌寸老士申之役捨生赴社稷

之危冒死靖國家之難未加顯秩奄然隕命宜褒前

烈以慰地下因贈直廣壹賜賻續日
本紀

縣大養大伴士申之役從天武于東國紀日本事平論

功封一百戶位至直廣壹續日
本紀八年疾帝幸其第視

之紀日本大寶元年遣淨廣肆夜氣王等就第宣詔贈

正廣參賜封四分之一於其子續日
本紀

忌部色布知位正五位上大寶元年卒以士申功臣

贈從四位上續日
本紀

民大火士申之役從高市皇子會天武于伊勢紀日本

位從五位下大寶三年卒遣使贈正五位上賜賻續日

紀本

高田新家為伊勢湯沐令士申之從迎天武于鈴鹿

日本 事平封四十戶位正六位上統日十三年與輕

部足瀨等往信濃造行宮日本大寶三年卒贈從五

位上賜賻子首名慶雲元年賜父封四分之一續日

書根麻呂續日本或稱國語同士申之從從天武于東國

日本 帝即位論功封一百戶賜田八町位從四位下

慶雲四年卒遣使贈正四位上賜賻子馬養正七位

下大寶元年賜父封四分之一靈龜二年加賜田續日

紀本

黃文大伴士申之從奉天武命使于高坂王追抵丸

田從駕焉日本 帝即位論功封一百戶賜田八町至

正六位上山背守和銅三年卒贈正四位下賜賻子

稗麻呂從七位上大寶元年賜父封四分之一靈龜

二年加賜田續日本

村國男依士申之亂與和珥部君手身ハカ廣ヒロ同奉命

發美濃兵三千人以塞不破道男依乘驛馳至鈴鹿

奏具狀帝褒賞之又與書根麻呂和珥君手膽香尾

安倍平兵數萬自不破直入近江破帝大友軍於息

長橫河斬其將境部藥進擊秦友足於鳥籠山斬之

又戰於安河濱而大捷獲社戶大口土師十島既而
進至瀨田帝大友軍遂敗走男依等軍于粟田岡下
擊犬養五十君谷鹽手斬之帝大友敗走自縊男依
獲其首與諸將詣不破宮獻之日本紀天武即位封百
二十戶賜功田十町續日本紀四年卒贈外小紫日本紀子
志茂麻呂大寶元年賜父封四分之一靈龜二年加
賜田位從五位上男依孫鳥主正六位上美濃少掾
黨于藤原仲麻呂及仲麻呂反朝廷遣使閉關鳥主
內應歸正勅使以其初逆黨遂誅之天平神護二年
矜其刑不中贈從五位下續日本紀

三輪高市麻呂

日本紀三輪或作天神

其先出自素盞鳴命六

世孫大國主

錄姓氏

又曰利金位大華上

續日本紀

士申之

亂大伴吹負在倭招徠豪傑高市麻呂應焉與置始
兇將兵大破帝大友軍於箸陵斷盧井鯨軍後鯨敗
走語在吹負傳歷中納言位直大貳持統將幸伊勢
高市麻呂上表切諫帝不聽遂定留守官於是高市
麻呂上位冠于朝再諫曰方今妨於農時車駕不宜
遠動終不納日本紀○懷風藻曰藤原麻呂過神戶
神納言者高市麻呂也據之則高市麻呂遂辭官勺
以諫不聽辭官然本史所不載附以備攷大寶中歷
長門守左京大夫慶雲三年卒于官時年五十以子

申之功贈從三位續日本紀來

粟隈王難波皇子子也天智四年拜筑紫帥士申之

亂帝大友使佐伯男發筑紫兵且戒曰粟隈王素附

吉野若有拒命就斬之男至筑紫王受符不敢發兵

曰筑紫是邊警之地峻城深澗非為備內亂也今從

命發兵一旦有外寇則將如之何方此之時百發僕

而無益是以不發兵豈敢方命乎男欲進而刺王王

二子三野王武家王帶劔侍左右不果而歸天武三

年拜兵政官長時四位四年卒日本紀後贈從三位續

日本紀

三野王三野姓氏錄作美勢國語同位小紫天武九年奉詔與川

島皇子忍壁皇子大錦下上毛野三十等撰定帝紀

及上古奉十年有遷都之議三野王奉詔率宮內官

大夫相新城地十二年再與小錦下米女筑羅往信

濃相建都之地持統八年為太宰帥時淨廣肆日本紀

大寶元年始置大幣司以王為長官歷左京大夫攝

津大夫遷治部卿和銅元年卒續日本紀初王至美濃娶

縣犬養東人女生諸兄佐為姓氏錄諸兄自有傳佐為

初為諸王後與諸兄賜姓橘至正四位下中宮大夫

兼右兵衛率天平九年卒續日本紀

大伴安麻呂右大臣長德第六子也續日本紀壬申之亂
從大伴吹負吹負奪飛鳥寺西營遣安麻呂等告不
破宮事平授小錦中進直大壹日本紀大寶元年改叙
正從三位尋為式部卿參議朝政遷兵部卿轉大納
言兼太宰帥進正三位和銅元年再仕大納言後兼
大將軍七年薨贈從二位續日本紀稱佐保大納言萬葉集
子旅人自有傳

天保十三壬寅年六月二十二日謹書寫之

中村直道

大日本史卷一百一十二終

大日本史卷一百一十三

列傳第四十

權中納言從三位源光圀修
男權中納言從三位綱條校

小野妹子孫毛野

坂合部石布津守吉祥伊吉傳德

栗田真人坂合部大分山上憶良鴨吉備麻呂伊吉古麻呂

多治比縣守第廣成

中臣名代

小野石根小野滋野羽栗翼上海上三狩大伴繼人
上毛野大川高原源

布勢清直

藤原葛野麻呂

子常嗣

氏宗

小野妹子天帶彥國押人命六世孫米餅搗大使主
 命之後也家于近江國滋賀郡小野村因為氏紹運
 圖以妹子為春日皇推古朝仕為大禮十五年為遣
 子之今從姓氏錄隋使鞍作福利為通事隋人呼妹子曰獲因高居歲
 餘而歸煬帝使裴世清從之報聘妹子歸奏曰臣將
 還時隋帝以書授臣路為百濟所掠是以不得上於
 是群臣議曰夫使人之職雖死不失旨何失大國書
 當坐流刑帝敕曰不可輒罪朕為隋容羞之乃宥焉

遣飾騎迎世清等於海石榴市勞之及其歸國朝廷
 復以妹子為大使難波雄成爲副使福利爲通事再
 聘明年歸唯福利不來妹子位至大德冠日本子毛
 人位小錦中續日毛人子毛野明曆年中山城一乘
 中有一鐵版其面鑄文曰小野毛人朝臣之墓其下
 二行細書曰營造歲次丁丑年十二月即葬其
 背曰飛鳥淨御原宮治天下天皇御朝任大政官兼
 刑部大卿位大錦上今見在一天皇御朝任大政官兼
 武帝五年也
 毛野持統朝為直廣肆九年為遣新羅使赴新羅日本
 紀本書不文武朝進直廣參為筑紫大貳與大伴安
 載其歸
 麻呂栗田真人等參議朝政叙正四位上為中務卿

和銅元年任中納言明年叙從三位七年薨本紀

坂合部石布大彥命後也其先允恭帝時奉教立國

境之標因賜姓坂合部連姓氏錄按坂合部或作境

作石數日本紀齊明帝二年作磐歛而布亦國石布

下文及伊吉博德書皆作石布盤歛石語相通石布

齊明帝二年為遣高麗副使尋叙小錦下五年為遣

唐大使日本紀九月至百濟南丹分明島又浮海遭逆

風漂著南海爾加奈島為島人所殺東漢長阿利麻

坂合部約積等五人奪賊船逃至柘州州縣傳送至

洛陽日本紀注引伊吉博德書按阿利麻等事僅止

載且其歸國寶字元年大政官奏小錦下坂合部宿

禰石布奉使唐國漂著賊州橫斃可矜依令下切追

褒未稱其功田六町令傳其子續日本紀

津守吉祥位大山下齊明帝五年為遣唐副使日本紀

海中遭風與大使坂合部石布相失行一日夜至會

稽須岸山東北風無數日至餘姚留資裝於此由陸

路而進至越州府時高宗在東京遂乘驛入東京日本紀

紀注引伊吉博德書吉祥乃率所送蝦夷而朝日本紀注引高

宗問曰本國天皇平安不對曰天地合德自得平安

問曰執事卿等好在不對曰天皇惠厚亦得好在問

曰國內平不對曰治講天地萬民無事問曰此等蝦

夷

夷國在何方對曰國在東北問曰蝦夷幾種對曰有三種遠者名都加留次者名麤蝦夷近者名熟蝦夷每歲入貢本國問曰其國有五穀乎對曰無之食肉存活問曰有屋舍乎對曰無之居深山住樹下高宗又曰使人遠來就館息勞繼當相見十一月朔且冬至高宗受賀吉祥列諸蕃之上故國使者最勝既而客館失火又有讒者由是得罪尋下令曰來年將有事于海東汝等倭客不得東歸遂幽于西京困苦經年伊吉博德書吉祥遠孫從五位下國基為住吉神主世其職至于今圖系

日本記法客皆作客共作次

伊吉博德位小山下齋明朝遣唐副使津守吉祥等在唐別倭種韓智興倭人西漢大麻呂讒拔客客等獲罪唐已共流罪流智興於二十里外博德在客中別倭種三字據日本紀白雉五年奏辨其誣因得免文按本書不載博德名注引博德書今據之其往來皆無所考當天智稱制護送百濟司馬法聰等踰年歸大津皇子謀逆博德黨之持統帝宥而不問擬遣新羅副使日本紀大寶中賞與定律令功賜田十町封五十戶叙從五位上寶字初太政官奏傳功田於子續日本紀

栗田真人其先出自天足國押人命姓氏錄真人好學

能屬文進止有容新唐書日本傳天武朝授小錦下進直大

肆請迴授又不許持統朝為筑紫太宰職獻隼人一

百七十四人及布牛皮鹿皮若干枚賜衣裳日本紀進

直大貳文武朝與撰律令為民部尚書大寶元年為

遣唐執節使改位號授正四位下賜節刀至筑紫風

浪惡不得發歸京師二年參議朝政尋再赴唐至于

楚州有人來問曰使自何國真人曰日本國使此何

州界曰是大周楚州鹽城縣也真人又問嚮稱大唐

何緣改號曰永淳二年帝崩太后登祚稱聖神皇帝

國號大周聞海東有大倭國謂之君子國人民豐樂

款行禮義今見使人儀容太閑豈不信乎語畢而去

續日本紀至長安見武后賜宴德殿授同膳御冠進德

冠頂有華籥四披紫袍皂帶新唐書日本傳慶雲元年徵命

進節刀賜大和田二十町穀一十斛二年拜中納言

進從三位和銅初為太宰帥尋進正三位養老三年

薨續日本紀

坂合部大分石兵衛率大寶初為遣唐副使留居於

唐養老中隨多治比縣守而歸授正五位下續日本紀

鴨吉備麻呂本書鴨或作賀茂國語通刑部判事大寶初為遣唐

中使慶雲中以使絕域賜絕綿布鈿鈿和銅養老間

歷下總守玄蕃頭為河內守至從四位下遷播磨守

管備前美作備中淡路按察使本紀

山上憶良大寶初為遣唐少錄逾年而歸和銅末至

從五位下靈龜中為伯耆守養老中詔每退朝侍東

宮本紀聖武朝為筑前守憶良屬文善倭歌著歌林

類聚萬葉集

伊吉古麻呂大寶初從遣唐使入唐慶雲中賞勞賜

絕綿布欽穀本書大寶元年二年慶雲元年書遣唐

吉備麻呂同受天平初至從五位上歷下野上總守

續日本紀

多治比縣守左大臣島子也慶雲中叙從五位下日

本紀公卿補仕按本書和銅三年書以從四位下多

治比大縣守為宮內卿構前後大位階誤且行大字

疑錯簡靈龜初進從四位下為造宮卿擢遣唐押使

今不取養老元年賜節刀入唐日本紀○新唐書日本傳

儒授經詔四門助教道玄然即鴻臚寺為師獻大幅

布為贊悉賞物賀書以歸其幅朝臣仲滿慕華不肯

去據續日本紀粟田真人大寶二年如唐慶雲元年

歸按不再往唐書所載粟田蓋縣守也養老元年當

初合仲滿為副使亦此時也玄宗賜朝服逾年而歸

三年正月縣守率副使以下著唐服朝見尋進正四

位下為武藏守管相摸上野下野按察使除播磨按

察四年陸奧蝦夷反殺按察使上毛野廣人縣守為

持節征夷將軍賜節刀討平之明年遙授正四位上
凱旋為中務卿續日本紀按本書曰征討蝦夷大隅
譯語人授勳有差考前後文蓋縣守遷太宰大貳天
平元年權為參議進從三位尋為民部卿三年以諸
司推舉擢參議為山陽道鎮撫使四年拜中納言為
山陰道節度使進正三位九年薨年七十續日本紀補任其
為節度使也警戒嚴備訓練有方寶龜末敕下其法
于因幡伯耆出雲石見安藝周防長門等緣海諸國
續日本紀第廣成

廣成和銅中仕下野守為迎新羅使副將軍養老中
遷越前守管能登越中越後按察使天平四年為遣
唐大使五年賜節刀入唐六年將歸值暴風四船相
失逾月廣成漂著多禰島七年歸京師上節刀叙正
四位上帝觀騎射於北松林廣成率唐人奏唐樂新
羅樂弄槍又獻諸益葵大麻呂問答六卷九年拜參
議陞中納言從三位十一年薨續日本紀廣成好文學有
泉石癖初在廣禰姓丹墀子孫因冒丹墀三代實錄
曲江集玄宗教書亦稱丹墀真人
中臣名代太連御食子曾孫又島麻呂小山下系名
代神龜中授外從五位下天平初叙從五位下四年

為遣唐副使明年入唐續日遭風飄蕩南海艱虞備

至僅得達唐八年賚唐主書曲江集玄率唐人皇甫

東朝等三人及波斯國人李密駭而歸帝臨朝授名

代從四位下為神祇伯坐藤原廣嗣事被流本書失地名今

無所踰年召還復位十七年卒子鷹主叙正六位上

寶字中唐使沈惟岳等送高元度至大宰府朝廷將

護送惟岳等命遣唐使數造四船於安藝鷹主為遣

唐判官船成至難波一船膠沉破裂因減使人限兩

船授鷹主從五位下為大使賜節刀至大宰府風波

簸蕩數於還惟岳等令鷹主等歸京師鷹主歷肥前

枚

守式部少卿坐事削籍室龜中復位為大判事延曆

中為鑄錢長官進從五位上歷信濃守神祇大副續日

本系子弟權伊賀守從五位下圖

小野石根太宰大貳老子也寶字中叙從五位下歷

南海道節度副使長門守造宮大輔景雲中轉近江

人寶龜中為中衛少將兼左中辨轉中將兼鑄錢長

官進從五位上七年遣唐大使佐伯今毛人等至肥

前不得信風今毛人歸京因罷副使大伴益立藤原

鷹主以石根為副使兼播磨守八年四月今毛人病

救石根持節先發行大使事救曰大使今毛人病重

不堪進途汝等至唐下牒彼若問無大使宜量事分
疏石根著紫猶稱副使持節行事一如前敕九年正
月至長安朝宣政殿三月見代宗於延英殿及歸代
宗令內使趙寶英等俱來十一月風濤險惡第一船
破石根寶英等沒于海明年贈石根從四位下續日本紀
小野滋野寶龜中為敕旨大丞兼下總權從六年為
遣唐判官八年赴唐九年十月還至肥前松浦郡橋
浦奏言臣滋野等寶龜八年六月候風入海七月與
第一船同至揚州海陸縣八月至揚州大都督府觀
察使兼長史陳少游以祿山亂館驛彫弊限使人六

十人入京師十月臣等八十五人發行百餘里得中
書門下牒樽節限二十人臣等請加二十三人持節
副使小野石根副使大神未足准判官羽粟翼錄事
上毛野大川韓國源等凡四十三人明年正月至長
安城監使特勾當使院禮待優厚中使不絕朝宣政
殿乃進國信及別貢代宗大喜班示群臣三月對見
延英殿所請皆許賜宴宮中錫物有差四月監使揚
光耀宣敕云將遣中使趙寶英等齎報信物往日本
國命揚州造船卿等知之及拜辭奏云本國海路遙
遠漂蕩不測今中使云往冒涉波濤萬一顛躓恐曠

王命敕朕有少信物差寶英等押送道義所在不以
爲勞乃賜銀錠酒以爲餞六月至揚州舩未成中使
奏狀寄衆臣等舩第一第二舩在揚子塘頭第四舩
在楚州鹽城縣九月臣舩得正南風解纜行三日忽
遭逆風舩着沙上損壞頗多竭力修造今月十六日
舩浮入海二十三日至肥前松浦郡檣浦唐容隨臣
入朝迎接祇供一同蕃例臣具牒太宰府以令準擬
唐今天子廣平王名迪按代宗初名俶蓋迪俶音
相近當時傳聞用迪字耳
五十三皇太子雍王名适年號太曆正當十三年敕
令滋野等速入京師初寶英等與小野石根來第一

舩没于海唯孫興進等與滋野共來滋野叙從五位

下爲豐前守

續日本紀

海上三狩敏達帝之裔也

姓氏錄

勅爲諸王勝寶中賜

姓寶龜六年爲遣唐判官明年至肥前風不利大使
佐伯今毛人爲歸京師三狩等留府待期時人善之
既而如唐比歸漂着耽羅島爲島人所畧留教遣太
宰行少監下道長人於新羅迎三狩新羅求得三狩
隨長人歸爲太宰少貳延曆中至從五位上歷兵部
大輔右中辨造長岡宮使續日本紀子真直延曆中以宿
怨救父妾婢下獄死類聚國史

大伴繼人左大辨古麻呂子也補任一代要記景雲三年三月載陸奧白河郡人外正七位下叙大伴部繼人等賜姓歎大伴連豈古麻呂杖死家人配陸奧乎然無明文今不可考寶龜六年為遣唐判官八年如唐九年還惡風破船舳艫各分繼人與前入唐大使藤原清河沙喜娘等四十一人來其舳著肥後天草郡主神津守國麻呂與唐判官等五十六人乘艦著薩摩甕島郡繼人奏言去年六月四船同入海七月泊揚州海陵縣八月至揚州大都督府十月發途明年正月至長安內使趙寶英迎接安置外館三月召對奏事四月辭見敕使揚光耀監送至揚州發遣乃領留學生歸京師

又差趙寶英賚國信來以結隣好六月至維揚九月發揚子江口至蘇州常熟縣候風十一月五日得信風第一第二船同發八日初更風浪破槓浪潮水滿船蓋板舉流副使小野石根等三十八人唐使趙寶英等二十五人同時溺死唯臣一人瀆行著舳檻角生理絕路十一日五更檣倒舳底斷為兩段舳艫分裂四十餘人累居方丈之舳舉舳欲沒截纜抱抱得少浮出裸身縣坐米水不入口已經六日十三日亥時漂著肥後天草郡西仲島臣之再生獻造所救不仕歡幸之至謹以聞入京師進從五位下為能登守改

伯耆守延曆中補左少弁續日本紀皇太子以佐伯今毛
人為參議中納言藤原種繼奏罷之太子恚請殺種
繼不得帝幸平城太子留守使繼人及大伴竹良殺
種繼帝怒廢太子繼人竹良等以首惡誅事詳種繼
傳續日本紀繼人子國通坐天事流佐渡素有文才
國宰史就問所疑國中文案皆出其手遇赦入京師
弘仁中歷陸奧權外伊勢外宮內民部少輔十四年
授從四位下補右中弁拜參議右大辨補任以觸諱改
姓伴宿禰紀天長中歷兼勘解由長官陸奧出羽按
察使相摸武藏守至從四位上五年卒六十一補子

善男自有傳

羽粟翼山背乙訓郡人寶龜中為遣唐錄事改准判
官兼敕旨大丞還自唐授從五位下天歷元年奉敕
至難波鍊朴硝延曆中為丹波介改內藥正兼侍醫
又歷左京亮內藏助至從五位下續日本紀
上毛野大川寶龜中為遣唐錄事歸為大外記兼山
背守延曆中至從五位下為主計頭續日本紀
高原源本姓韓國連與物部同祖其先某武烈帝時
使韓國使命賜姓姓丸源寶龜中為遣唐錄事歸與
海上三狩等漂著耽羅島三狩等為島人所拘源率

餘衆四十餘人而逃歸延曆中至外從五位下上表
曰臣等物部大連苗裔夫物部連等各因居地行事
別爲百八十氏是以源等先祖鹽兒以父祖奉使國
名故改爲韓國連帛大連苗裔是日奉舊臣今號韓
國反似三韓之新來至於唱導每驚人聽因地賜姓
古今通典伏望改賜高原許之續日本紀
布勢清直寶龜中歷少納言武藏介九年爲送唐客
使護唐客孫興進等赴唐天歷元年歸至正五位下
爲兵部大輔延曆初歷民部大輔上總守續日本紀
藤原葛野麻呂大納言小黑麻呂長子也補延曆初

叙正六位上進從五位下尋歷陸奧介少納言右少
辨續日本紀兼春宮亮歷左右中辨兼春宮大夫伊豫
守遷右大辨爲太宰大貳二十年爲遣唐大使兼越
前守補臨發宴餞殿上一依漢儀賜酒御床下作侍
歌優勞之葛野麻呂感泣左右無不嘆羨賜御被三
領御衣一襲金二百兩辭見受節刀會暴風破船不
得進而還紀二十三年累進從四位上補又赴唐宴
餞殿上作樂賜寶琴一張經十月達長安謁德宗於
宣化殿二十四年還自唐進從三位大同元年再爲
春宮大夫紀歷權參議爲真遷兼式部卿踰月爲東

海道觀察使補先是出舉正稅著為恒例至此教諸國猶有早晚各任土宜而畫穎為穀種子難辨宜本者收穎利有者納穀不絕本穎迴充種子本稻之外不得收穎若有過限者罪官司由是公解利稻年中雜用皆悉令糙葛野麻呂以為徒勞民力無益於公奏請年中雜用勲公解等稻罷春為糙從之又奏桑漆之課具載今條易殖易生養乃成林至于採困公私申之然國郡官司不務催殖既致闕乏案天平二年五月六日格諸國所進桑漆等帳或因循舊案但改年紀或慮作增減與實不同自今此後嚴加捉搦

業

依令殖滿每年巡檢申之如遣使勘會與實不同者國司必加貶責郡司解却見任自今以後永為恒例然猶積習生常狎法無悛望請下知當道交代分付不填數者拘留解田以懲不填其貶責解任一依先格款許之自餘諸國亦准之三代尋為中納言進正三位兼皇太子傳補尚侍樂子之變葛野麻呂嘗諫上皇不納事敗帝以具與樂子有姻媾欲抵重罪多入鹿為證前言事遂寢類聚國尋遷民部卿補弘仁九年薨年六十四紀畧子常嗣氏宗常嗣少遊大學涉獵史漢諳誦文選善屬文兼能隸

具統其

書稟性明幹威儀可稱弘仁十一年任右京少進遷
藏人式部大丞叙從五位下出爲下野守不之任留
爲東宮亮俄遷右少辨天長初遷式部少輔兼勘解
由次官坐公事左降刑部少輔既而補藏人頭兼勘
解由長官歲中任參議九年兼下野守右大辨兼和
元年爲遣唐持節大使兼近江權守明年轉左大辨
餘官如故累進正四位下三年赴唐假正二位賜節
刀宰臣口宣曰使命相通自古而然卿等勿辱國體
且進止溫雅勿爲矯異之態判官以下有犯死罪者
從科論決帝御紫宸殿賜宴命五位以上賦詩送之

常嗣進上壽帝爲舉盃賜御衣白絹御被沙金極驪
而罷洋中遇風其兩舩漂泊太宰府上言敕符慰之
常嗣上表謝罪竟不得進朝旨因西土彫弊判官以
下舟行還京大使副使聽去留自使常嗣還京仕太
宰權帥明年三月又赴唐六年八月歸朝帝御紫宸
殿受報書引常嗣近御坐慰勞久之置酒殿上常嗣
具陳使狀及路中艱難賜御被御衣敕曰遣唐大使
藤原常嗣遠度海濤歷涉殊苦克竟使事得報而還
可不喜哉其常嗣以下至水手宜進冠位判官正六
位上藤原豐並在唐身亡朕甚愍惜宜加褒典授常

嗣從三位追贈豐並從五位上自餘判官進位有差
是歲遭母喪明年敕起視事尋薨年四十五近世相
襲中專對之選者唯常嗣父子而已續日本後紀三子興
邦文弘葛覽興邦兼和齊衡間累官為東宮亮貞觀
中至從四位下文德實錄三文弘從五位下丹波守
葛覽正六位上日向守尊卑分脈
氏宗仁壽齊衡間任參議補檢非違使別當歷左近
衛中將左衛門督續日本後紀貞觀中叙從三位
進中納言兼左近衛大將轉權大納言三代實錄時詔
參議以上論時政之得失藤原良相紀今守等各上

意見久之不報氏宗上疏曰臣氏宗忝以矇昧備列
槐棘負荷之憂寤寐無息日者降詔令進意見公卿
宰相儒官賢士每各輸忠盡誠陳上深謀遠慮爰下
公卿更相評議日月空過適為矛盾還恐評議之上
更有後議之勞氏宗無計愚情之不及誤評一兩人
奏狀再三愧遂無所裨今望請臣所進意見奏狀中
先擇要切且以施行皆是抄出古典無言非道稍隨
時宜遂盡其志謹勒管見俯待取捨許之轉左近衛
大將氏宗雅重藤原基經才器表請讓之不許歲餘
進正三位為大納言兼東宮傳明年拜右大臣辭不

許乞割職封之半且職人資分職田奉祿准大納言
優詔嘉之唯聽割職封之半十四年薨年六十四三代
實錄年輟朝三日贈正二位遣參議在原行平等齋
救告身就第宣賜家人遵遺命不受紀畧子春景式部
大輔有家民部少輔有文圖書頭高範少納言三代
尊卑分脈

天保十三壬寅年七月十二日謹書寫之

中村萬喜直衛

大日本史卷一百一十三終

大日本史卷一百一十四

列傳第四十一

權中納言從三位源光圀修
男權中納言從三位綱條校

藤原不比等子武智麻呂 房前宇合麻呂 六世孫富士麻呂 七世孫道明
藤原不比等日本紀國語通內大臣鎌足第二子也
續日本紀曰大鏡曰天子若女為朕子既而生男是為不
有娠生男當為卿子若女為朕子既而生男是為不
比等系圖曰鎌足有子若女為朕子既而生男是為不
大隅家因以史為名然本書無所見故不取授直
廣肆持統朝為判事賜資人五十人日本紀文武詔曰
所賜藤原朝臣之姓宜令其子不比等兼之但意美

陶原家在山城國字治郡所謂山階寺和比還臥存東野村

麻呂等供神事宜復舊姓尋進直廣壹與撰律令為
中納言大寶元年改授正三位轉大納言慶雲元年
進從二位增封八百戶續日明年疾賜度者二十人
又施布四百端米八十石於京師諸寺禱之公卿初
鎌足修維摩會於陶原家鎌足薨後其會遂廢至是
不比等禱先靈得愈復維摩會限七日至鎌足忌日
其後移置興福寺年中行事○公事根源曰和銅七
不比等談會宮城東第豈四年嘉其世有勤勞詔追
即陶原家乎今無所考
廣鎌足擬武內宿禰賜封五十戶傳子孫不比等固
辭受二千戶以半傳子孫按本書天平十三年不比

朝廷依舊賜二千戶於其家分施三千戶於諸國國
分寺充造六佛像之資與此不同蓋不比等雖固
辭優詔以全封傳和銅元年進正二位拜右大臣續
子孫歟今無所考
本紀
養老二年任太政大臣固辭不拜系圖為慶雲四
監修律令四年加授刀資人三十人八月疾篤賜度
者三十人詔曰右大臣疹疾漸留寢膳不安朕視疲
困惻隱於心思其平復計無所出宜大赦天下以救
所患今日午時以前大辟已下罪無輕重常赦所不
免咸悉赦除其廢疾之徒不能自存者量加賑恤所
在長官親自慰問量給湯藥勒從寬優又令都下四
十八寺讀藥師經免官戶十一人為良奴婢一十人

為官戶不數日薨

續日本紀

年六十二

補任系圖

廢朝舉哀內

寢從遺言火葬于佐保山推囿遣大納言長屋王中

納言大伴旅人就第宣詔贈太政大臣正一位

續日本紀

補任系圖先是藤原

氏未置氏長者至不比等始命為之

補任系圖

天平中獻渤海貢物於六陵并祭不比等墓寶字初勅天下不得

稱鎌足不比等名凡姓氏觸者改之四年敕曰子以

祖尊祖以子貴此則不易之彛式聖主之善行也先

朝太政大臣藤原朝臣者非唯功高於天下又為皇

家之外戚是以先朝贈正一位太政大臣斯雖據我

今已極官位而准周禮猶有不足竊思勲績蓋於宇

宙朝賞未允人望宜依齊太公故事追封近江國十

二郡為淡海公繼室從一位縣狗養橋宿禰贈正一

位為大夫人續日本紀不比等四子武智麻呂房前宇合

麻呂女宮子媛文武夫人光明子聖武皇后系圖

武智麻呂慶雲中授從五位下和銅靈龜間累進從

四位上為近江守奏言部內諸寺多白疆區元不造

修虛上名籍所有田園欲自專利若不釐正恐致滅

法人情稍薄釋教陵遲非唯近江餘國亦然望遍令

諸國革弊還淳從之養老中累進從三位任中納言

賜帶刀資人四人神龜初進正三位增封賜物天平
元年轉大納言兼太宰帥六年進從二位拜右大臣
九年七月患痘瘡帝為下詔大赦天下以救其病遣
左大辨橘諸兄右大辨紀男人就第授正一位拜左
大臣即日薨續日本紀年五十八補任遣從四位下中臣
名代等監護葬事官給資用續日本紀武智麻呂第在房
前南隣因稱南家房前稱北家系圖寶字中子仲麻呂
奏請臣父及叔聖代之棟梁明持之羽翼位已極崇
官尚未稱伏願以臣太師之任推恩南北兩九大臣
敕許之並贈太政大臣續日本紀武智麻呂四子豐成仲

麻呂巨勢麻呂乙麻呂補任以巨勢麻呂為第二子
續日本紀第二子仲麻呂系圖以乙麻呂為第三子
呂據之巨勢麻呂為第三子明矣考麻呂豐成自有傳
仲麻呂叛臣傳巨勢麻呂寶字中至參議從三位兼
式部卿與兄仲麻呂反誅乙麻呂參議從三位兼式
部卿子是公初名黑麻呂體貌長大有威容最曉時
務割斷無滯寶字中叙從五位下寶龜天應間累陞
參議進叙正三位兼式部卿中衛大將任中納言延
曆元年轉大納言拜右大臣三年進從二位是秋帝
幸其第授子弟友從五位上燕飲終日極歡而罷八
年薨年六十三贈從一位續日本紀世稱牛屋大臣一代

系子真友雄友友人真友至參議兼大藏卿雄友累
官大同初至正三位大納言伊豫親王謀不軌雄友
告之及親王敗雄友以其外舅流于伊豫弘仁元年
赦還復本位授宮内卿明年薨詔贈本官日本紀友
人簡率不拘禮度坐伊豫親王事貶下野守本官無
弘仁初同兄雄友赦還授從四位下出為相摸守十
三年卒于官類聚國史
房前文武朝奉使東海道巡察政績申理冤枉慶雲
和銅間累進從五位下奉命東海東山二道檢察關
梁巡視風俗靈龜初進從四位下養老元年參議朝

政五年進從三位元明上皇不豫房前與右大臣長
屋王受遺詔特詔房前曰凡家有沉痾大小不安事
故卒發汝卿房前當為內臣計會內外准敕施行輔
翼帝業永寧國家聖武即位進正三位增封賜物續
本神龜中為授刀長官兼近江若狹按察使補天平
紀初為中務卿轉民部卿續日本任中衛大將大將是
為初補任萬葉集系圖按續日本紀神龜五年始置
天平二年然據萬葉集一人而不書房前為大將補任為
書中衛大將藤原卿元年既為中衛大將今其年月
無所尋為東海東山二道節度使九年患疫薨續日本紀
年五十七補任賜大臣葬儀其家固辭不受贈正一

位左大臣賜食封二十戶限二十年寶字四年贈太
政大臣光仁時敕以其功封傳之子孫子永手真楯
清河魚名楓麻呂最顯永手清河自有傳真楯魚名
事在永手傳楓麻呂房前第七子也寶字中遣使八
道問民疾苦楓麻呂為西海道使奏便宜二十九事
敕太宰府隨事處分尋為東海道巡察使寶龜中至
參議從三位兼大藏卿攝津大夫續日子園人自有
本紀

傳
宇合本書宇合或作馬養國語
通系圖曰歸自唐改名誤靈龜中為遣唐副使
叙從五位下養老初還自唐任常陸守為安房上總

下總按察使累進正四位上遷式部卿神龜元年陸
奧海道蝦夷叛敕大掾佐伯兒屋麻呂宇合為持節
大將軍討平之振旅入京師帝遣內舍人迎犒近江
賞切叙從三位授勳二等副將軍高橋安麻呂已下
一十六百九十六人賜勳位有差天平三年始置參
議六人宇合為之首仍兼卿為畿內副總官尋改西
海道節度使進正三位兼太宰帥九年患疫薨續日本紀
年四十四宇合器宇弘雅風範凝深博涉墳典旁達
武事雖經營軍國特留心文藻為當時翰墨之宗有
集二卷傳世系圖懷風藻經
國集万葉集以其為式部卿世稱式

家系圖初字合在太宰府善修軍政號令嚴明寶龜末
敕太宰府遵行其法子廣嗣良繼田麻呂百川藏下
麻呂最顯廣嗣良繼自有傳百川藏下麻呂事在良
繼傳田麻呂字合第五子也性恭謙與物無競天平
中坐兄廣嗣事流隱岐居三歲赦還隱蜷淵山敦志
釋典修行不怠寶字中授從五位下為南海道節度
副使左虎賁督六年充遣唐副使神護寶龜間累歷
顯要延曆初至右大臣正二位薨年六十二續日世本紀
稱蜷淵大臣要記系圖無子嗣絕
麻呂養老中叙從五位下歷左右京大夫天平初進

叙從三位為兵部卿拜參議仍兼卿為山陰道鎮撫
使九年鎮守將軍大野東人請征男勝蝦夷開直路
達出羽柵麻呂為持節大使與副使正五位上佐伯
豐人常陸守坂本宇頭麻佐至陸奧與東人謀發兵
開道分鎮諸柵且戰且進至比羅保許山上書曰臣
麻呂等以去二月十九日至陸奧多賀柵與鎮守將
軍大野東人共議發常陸上總下總武藏上野下野
六國騎兵一千人開山海兩道夷狄咸疑懼仍差田
夷遠田郡領遠田雄人於海道和戎計安壘於山道
並以使旨慰諭鎮撫擇勇健一百九十六人屬將軍

東人分配四百五十九人於玉造等五柵麻呂等帥
三百三十五人鎮多賀柵遣副使坂本宇頭麻佐鎮
玉造柵判官大伴美濃麻呂鎮新田柵大掾日下部
大麻呂鎮壯鹿柵自餘諸柵依舊鎮守二十五日東
人發自多賀柵三月一日本書三月作四月
今考前後文訂之率使下
判官紀武良士等及騎兵一百九十六人鎮兵四百
九十九人國兵五千人討狄降二百四十九人又發
部內色麻柵即日至出羽大室驛出羽國守田邊難
波將部內兵五百人降狄一百四十四人在此驛期三
日與東人入賊地開道而行賊地雪深馬芻難得所

樹

以雪消草生方得發進同月十一日東人廻至多賀
柵自導開道總一百六十里割石伐樹填澗疏峯從
賀美郡至出羽最上郡玉野八十里雖山野險阻而
往還無大艱難從玉野至賊地比羅保許山八十里
地勢平坦無有危嶮狄俘等曰從比羅保許山至雄
勝村五十餘里其間亦平唯有兩河每水漲冒船四
月四日軍屯比羅保許山先是田邊難波狀獬雄勝
村俘長等三人來降云聞官軍欲入我村不勝危懼
故來請降東人曰夫狄俘者甚多奸謀其言無恒不
可輒信待其重有歸順之語然後平章難波議曰發

用

軍入賊地為教喻狄俘築城居民非必窮兵殘害若不許請凌壓直進俘等懼怨遁走山野勞多功少恐非上策不如示官軍之威從此而返然後難波諭以福利懷以寬恩則城郭易守人民永安也東人以為然又東人本計早入賊地耕種貯穀省運糧費而今春大雪倍於常年不得早入耕種失時如此已還元意夫營造城郭一朝可成而守城以人存人以食耕種失候將何取給且兵者見利則為無利則止將且引軍而旋以待後年但為東人猶當自入賊地臣麻呂奏請一將軍鎮多賀柵

按但為以下義難通考上文麻呂等自多賀柵問道

入出羽其為要路可見今將引軍還此二今新道既句豈欲使東人留鎮多賀柵以便後舉乎通地形親視至於後年雖不自入可以成事臣麻呂等愚昧不明事機東人久將邊要勢謀不中加以親臨賊境察其形勢深思遠慮量定如此謹錄事狀伏聽敕裁今間無事時屬農作所發軍士且罷且奏是歲薨續日本紀按勅裁及麻呂歸京皆無所見疑薨于軍也今無所考年四十四麻呂為人辨慧多能善屬文雖才為世推而耽琴酒常談曰上有聖主下有賢臣如僕何為唯事琴酒耳及薨舉朝惜焉系圖麻呂小傳以其為左右京大夫故稱京家子濱成初名濱足系圖補仕累官寶龜中拜參議進叙從

三位為彈正尹補侍從天應元年為太宰帥濱成以
宰輔之胤歷職內外而政無善狀吏民苦之因降員
外帥限置僚仗三人敕大貳佐伯今毛人等曰三考
黜陟前王通典懲惡勸善往聖嘉訓帥參議從三位
兼侍從藤原朝臣濱成所歷之職善政無聞今受委
方牧寄在宣風若不懲肅何得彼效因貶其任神員
外帥莫關釐務但公解賜帥三分之一府中雜務事
無大小今毛人等行之初濱成之女嫁冰上川繼及
川繼謀反朝廷疑其黨逆敕削參議侍從官延曆九
年薨于府年六十七濱成畧涉群書頗習術數續日本紀

嘗奉敕撰歌經標式一卷

八雲御抄

又著天書十卷

仁和寺所

藏本朝書目

子繼彥聰敏有識度尤精星曆兼達管絃類聚

國寶龜末為兵部少輔坐川繼事擯于京外久之敕

史

還為主計頭

續日本紀

天長中至刑部卿從三位

敏少耽愛音樂好鼓琴最善琵琶兼和中為美作掾

尋兼遣唐使准判官赴唐時唐人劉二即者善琵琶

負敏贈二百金請受業二即即授兩三調未幾殆盡

其妙二即重授譜數十卷以女妻之其女亦善琴箏

負敏習新聲數曲及將歸朝二即設祖筵贈紫檀紫

藤琵琶各一張負敏持歸終為朝廷重器歲餘為參

河从歷主殿助雅樂助授從五位下尋轉頭齋衛中
兼備前从天安中丁母憂解官服闋拜掃部頭貞觀
中兼備中从九年卒年六十一貞敏歷事三代無他
才藝特以善彈琵琶為時所重三代實錄不比等六
世孫富士麻呂

富士麻呂性溫雅少遊大學頗涉史漢兼便弓馬仁
明在東宮稍被恩遇天長末任東宮少進尋遷右近
衛權將監帝受禪即叙從五位下轉少將兼和九年
伴健岑攜逸勢謀反富士麻呂與佐伯宮成率勇敢
衛士圍而捕之尋為中將本書左右字叙從四位下

久在宿衛能得士卒歡心帝稱為有將帥才十三年
出為陸奥出羽按察使赴任之日引見清涼殿賜衣
物嘉兼二年召還明年疽發背卒年四十人皆惜七
焉續日本後紀子敏行從四位上左近衛中將能書

畫和歌村上帝嘗問小野道風古今妙書誰為最道
風以空海敏行對焉江談抄尊不比等七世孫道明

道明父祖並不顯達寬平中以文學進延喜中累歷
顯要至大納言兼右近衛大將二十年薨年六十五
紀畧為年六十初道明微時與妻同車往市買物有
四今從補任老嫗謂其妻曰君必為大納言之配既而見道明曰

女之貴以此人也
抄江談

天保十三壬寅年七月廿日謹書寫之

中村萬喜直道

大日本史卷一百一十四終

